



pepsi pipol



www.facebook.com /pepsipng

Like

na painim aut moa long ol narapela promosens blong mipla bihain taim.



Jiwaka bai amamasim Wol Fud Dei - P6



Selebretim musik na danis long Madang konprens-P15 laipstail



Is Nu Briten Seivings na Lon Sosaiti amamasim ICU dei - P20 **Bisnis**


Nasfund givim K1m bilong ol dai man

...Famili bai hatwok long kisim

Stori long pes 2...



Wanpela seksen bilong rot i go long Menyamya stese, Morobe Provins we i bagarap tru. Ol dispela man i save klinim rot na sasim K20 long olgeta kar i ron abrusim dispela hap. Ol tripela man ya i tok ol i no save kisim sevis i kam long Memba bilong ol Benjamin Philip. Poto: Paul Maima Lukim ol stori long pes 2, 3 na 4



PIH Saveman *Nius* What is cataract? -P7

MORE FLIGHTS TO CHOOSE FROM

 PORT MORESBY TO LAE v.v 4-5 x DAILY FLIGHTS	 PORT MORESBY TO MT.HAGEN v.v 4 x DAILY FLIGHTS	 PORT MORESBY TO RABAU v.v 2-4 x DAILY FLIGHTS	 PORT MORESBY TO GOROKA v.v 2 x DAILY FLIGHTS	 PORT MORESBY TO ALOTAU v.v DAILY F100 FLIGHTS	 PORT MORESBY TO DARU v.v 3 x WEEKLY FLIGHTS	 PORT MORESBY TO CHIMBU v.v 3 x WEEKLY FLIGHTS	 PORT MORESBY TO MENDI v.v 3 x WEEKLY FLIGHTS
--	---	--	---	--	--	--	---

Nasfund givim K1m bilong ol dai man

I kam long pes 1...

Yakam Kelo i raitim

NASFUND i putim K1 milien bilong ol lain i bin dai i go insait long opis bilong Pablik Kuretas long dispela yia bikos ol dispela memba i no gat klia rekot long husat bai kisim seavings bilong ol taim ol i dai.

Ripot i kam long Nasfund opis i tok olsem long Januəri inap Septemba long dispela yia, ol bin stretim 102 aplikesen pepa na salim i go long opis bilong Pablik Kureta wantaim dispela mani mak olsem K1,004,177.46. Ol dispela aplikesen em bilong ol memba husat i bin dai na famili i laik kisim seavings bilong ol.

Dispela namba (102) i soim olsem ol dispela famili bai bihainim longpela kot sistem long kisim mani bilong ol long opis bilong Pablik Kureta.

Nasfund ripot i tok ol i luksave long dispela hatwok na longpela rot we ol famili bai go long en olsem na ol bin karimaut sampela toksave awenes program i go long olgeta kampani na bisnis long ol i mas klia na stretim gut nominesen fom bilong ol wokman bilong ol olgeta taim.

Nasfund opis bin kisim moa long 650 nominesen fom long dispela raun bilong ol i go long ol bisnis na kampani long dispela yia. Ol fom (pepa) bai Nasfund i yusim long stretim rekot bilong ol memba. Sapos wangepela memba tu i dai, orait, famili i no ken hatwok long kisim dispela mani bilong ol. Ol no ken go long opis bilong Pablik Kureta we em bai longpela rot tru na bikpela taim bai lus nating.

Nasfund i wok long mekim wok klostu wantaim olgeta kampani pe masta long nau we ol i save salim toktok i go kam long olgeta belo taim.

Ripot i tok sampela kampani na bisnis i luksave long dispela na i wok long stretim gut ol rekot bilong ol wokman bilong ol olsem na ol arapela tu i mas mekim wankain. Dispela bai soim olgeta seving bilong ol memba i stap gut, na ol famili ken kisim isi taim memba i bungim hevi o lusim laip.

Ol memba husat i no stretim yet nem bilong ol pikinini na famili long kisim Nasfund seavings bilong ol taim ol dai i mas go stretim dispela nominesen fom nau, na givim long kampani bilong ol long sainim na karim i go long NAS-FUND opis yu save go long en.

PM O'Neill na Gavana Naru bringim lait long Menyamya pipel

MENYAMYA stesen i bin lukim naispela lait i kamap las wiken taim bikpela seremoni i bin kamap long Menyamya Sekenderi skul taim Praim Minista, Peter O'Neill wantaim Gavana bilong Morobe, Kelly Naru i bin go krungutim ples.

Planti lain i wokabaut longpela rot stret stat long Marawaka long Isten Hailans provins na Kaintiba long Galp provins long stap insait long dispela bikpela seremoni.

Tupela lida i bin go long Menyama long makim 25th anivesari greduesin bilong ol gret 10 sumatin long Menyamya Hai skul na tu opim ol nupela infrastraksa long sku. Long dispela taim tu tupela lida i lonsim sampela ol bikpela projek we lokal MP bilong ol na Gavana Naru i kamapim aninit long Distrik sapot imprivmen program (DSIP) na Provinsal Sapot Impruvmen Program (PSIP).

Praim Minista O'Neill i opim tripela dabol klasrum, sikspela haus bilong ol tisa na tupelo domitori o ples-slip bilong ol man sumatin, wangepela mess o ples blong kaikai na tripela fut-bris, na tu wangepela disel jenereta bilong skul.

Mr O'Neill i lonsim tu EMTV signal bilong skul wantaim wangepela nupela skul trak na wangepela nupela ambulens bilong Kapao helt senta. Dispela ambulens em Gavana Naru wantaim lokal MP, Benjamin Philip i givim mani sapot wantaim long kisim.

PM O'Neill i tok kamapim bi-



Praim Minister Peter O'Neill wantaim Gavana bilong Morobe Kelly Naru i kisim bikpela welkam long Menyamya pipel las wiken.

long tusen fee fri polisi bilong gavman i helpim planti ol tarangu sumatin insait long kantri.

"Moa long wan milien sumatin nau i go bek long skul long dispela yia bikos long fri edukesen,

"Na olsem gutpela gavman bilong yupela mipela bai mekim olsem ol pikinini bilong mipela i ken gat sans long kisim kwaliti edukesen," Mista O'Neill i tok.

Em i tok amamas tu long 326 gret 10 sumatin husat i greduet na i tokim olsem olsem edukesen tasol i ken opim rot bilong ol long kamap gutpela man o meri long laip bilong ol, tasol ol i mas kamap lain bilong mekim wok gut na givim moa tingting long kamapim stretpela wok.

Morobe gavana, Mista Naru i salensim ol politisen o lidaman long mekim raitim ol samting ol i laikim na putim long lis na givim long praim minista wanem taim em i mekim lukluk

raun long distrik na provins..

Mista Naru i salensim tu MP bilong Menyamya, Benjamin Philip olsem em i mas toktok long bikpela ol projek we i ken helpim planti tausen manmeri, na i no ol liklik projek we ol kaunsila na ol LLG presiden i ken wokim.

Mista Naru i bekim toktok bilong MP bilong Menyamya, Mista Philip husat i komplein olsem gavana Naru i no save wok klostu wantaim em long distrik. Tasol toktok bilong Mista Philip i popaia.

Mista Naru i bekim olsem: "Taim yu wok long painim mi stap, mi wok long painim yu insait long distrik bilong you tasol yu no stap long distrik,". Dispela toktok bilong Mista Naru i mekim ol manmeri bilong Menyamya i paitim han na singaut antap stret.

Gavana Naru i tokim ol pipel bilong Menyamya olsem : "Olgeta yia long mun Epril, Morobe

edministresein i save salim leta i go long olgeta distrik long salim projek sabmisen bilong ol long kamapim mani-plen blong provins, tasol Menyamya i feil o i no save salim sabmisen bilong en i go"

Mista Naru i tokim ol pipel olsem ol mas noken givim planti presa o askim tumas long ol MP, na larim ol wokabaut fri long sevim ol pipel.

"Yupela votim mipela long sevim yupela. Tasol stopim pasin bilong salim kain kain envelop i kam long mipela na askim long mani. Dispela bai ronim ol lida bilong yupela na ol bai no inap stap tumas long distrik," Mista Naru i tok.

Morobe gavana Mista Naru long dispela taim i givim wangepela skul trak i go long Menyamya hai skul, wangepela ambulens i go long Kome helt senta na 7,000 klinim buk long helt senta wantaim 8-pela beil seken-hen klos aninit long PSIP sapot bilong em.

Repis mas kisim det penalti: Bawa

Stanley Nondol i raitim

POLIS bos bilong NCD, Andy Bawa i tok man i repim meri i mas kisim det penalti bikos em i mekim pasin bilong animel. Na gavman i

mas mekim lo bilong det penalti long pasin rep i mas wok na karim kaikai.

Mista Bawa i mekim dispela toktok bihain long wangepela raskol pasin i kamap long dispela wik long Morata setelmen i lukim ol raskol i holim

pasim kar bilong Nesenel Brotkasting Kopresen (NBC) na repim tupela wok meri.

Mista Bawa i tok pasin rep long ol meri em i no gutpela pasin ol man i mekim.

Em i tok ol man i repim ol meri em ol animel, ol i no man na ol mas kisim det penalti aninit long loa bilong kantri.

Long Mande dispela wik, ol raskol long Morata setelmen long Pot Mosbi i holim kar bilong NBC na repim wangepela nius ripota meri na wangepela klina.

Dispela hevi i kamap bihain long raskol i holim NBC kar taim em i go long Morata long lusim ol wokman long nait.

Ol raskol i kam long baksait bilong kar na putim gan long draiva na rausim em .

Ol i kisim dispela kar i go klostu long Erima, em wangepela setemen, na rausim ol man(wokman

bilong NBC) na repim wangepela niusmeri na wangepela klina meri.

Bihain, ol polis i go long eria na kisim tupela meri i go long haus sik.

Mista Bawa i tok polis i no holim wangepela saspek yet long dispela hevi.

Emtokim polis stesen komanda long Waigani long kwik taim mekim wok painim long dispela hevi.

Long wankain taim, Mista Bawa i givim tok lukaut long ol wokman bilong gavman na kampani long ol i mas lukaut gut na putim sefti olsem namba wan taim ol i ran long nait insait long siti.

Mista Bawa i tok husat i mekim ran long nait i mas kisim helpim bilong polis long ran bilong ol.

Em i tok ol polis i stap long helpim na lukautim sekyuriti bilong pablik na ol pipel i mas askim polis long ron long nait i go long ol setelmen olsem Morata.

Senia Leksera kisim kos long daunim Jenda Vailens

EMBESEDA bilong Yuropien (EU), Martin Dihm, i bin toktok long ol Senia Leksera bilong praimer tisa koles Hodava Hotel, Pot Mosbi long Tunde dispela wik.

Ol dispela tisa bilong praimer skul tisa koles i bin kam long kisim wangepela Senia Leksera Kepesiti Kos em ol EU i givim mani long ranim aninit long Human Risos Developmen Program (HRDP1). I gat 30 senia leksera i bin kam long olgeta koles long PNG long toktok long pasin bilong sanap na tokaut long rausim pasin bilong jenda vailens.

bilong sosaiti long kamap gut," Dokta Dihm i tok.

"Edukesen i mas tanim ol tebol na kisim wok i go pas long kirapim sosaiti we olgeta manmeri i stap wantaim bel isi, na ol i rispekim rait bilong ol narapela na lukautim ol yet." Em i tok.

Dokta Dihm i tok olsem long strongim wok bilong ol tisa long trening institusen, bikos ol i stap long hap we ol i ken mekim bikpela senis long PNG sosaiti taim ol i bringim edukesen i go aut long kantri.

Ol senia leksera i toktok long ol rot bilong pait egens long jenda vailens bilong mekim senis. Ol tingting bilong ol i karamapim ol samt-

ing sumatin i ken lainim ausait long klasrum na long insait long klasrum tu bihainim karikalalam. Ol leksera i gat wanbel tingting olsem ol praimer skul i gat strongpela wei long bringim senis long pikinini taim ol i liklik yet.

Olsem na praimer tisa koles i mas planim sit insait long lewa na tingting bilong ol sumatin bilong wangepela sosait i stap gut na i no gat vailens.

Fulori Bola, senia leksera long Pacific Edventis Yuni-versiti (PAU) i go pas long dispela kos. HRDP1 Senia Leksera Kepesiti Kos i sapotim tisa koles wantaim ol profesenel developmen program. Program i lukluk moa long kamapim gutpela stail bilong

skulim ol pikinini we tisa na sumatin i toktok na mekim samting wantaim long kisim save.

Em i wok klostu wantaim Dipatmen bilong Edukesen. Mani bilong ranim program i kam long EU na i stap aninit long bikpela program long mani mak bilong K53 milien. Em i sapotim tu wok bilong kirapim ol klasrum na haus slip long ol praimer tisa koles na skolasip bilong ol sumatin tisa.

HRDP1 Teknikol Asisten Tim nau i wok long plenim wok bilong ranim namba 2 skolasip program na em bai stat long 2015 long helpim skul bilong 600 nupela sumatin tisa o moa.

Tambu long polis paitim man

Stanley Nondol i raitim

POLIS bos bilong Pot Mosbi Andy Bawa i tokaut olsem ol polisman i no gat wanpela rait long paitim ol man.

Na em i givim tok lukaut long ol polis i mas mekim stret wok i bikos lo bai mekim save long husat polis man i paitim nating ol pablik manmeri.

Mista Bawa i tok no gat wanpela lo aninit long lo bilong polis o wok bilong polis i givim tok orait long polis i ken paitim ol pablik manmeri. Em tok no gat na no gat tru.

Mista Bawa i mekim dispela tok lukaut bihain long ol polis i bin paitim Francis Essy, wanpela tisa o leksera bilong Yunivesiti bilong Papua Niugini long las wik.

Mista Bawa i tok wok bilong polis em long helpim ol man na lukautim pablik propeti, na givim sekyuriti sevis long laip bilong ol pipel.

Las wik ol polis i paitim Mista Essy na givim bikipela bagarap long bodi bilong em long Manu Autopot long Mosbi.

Mista Bawa i tok wok painim i kamap yet long dispela hevi. Na loa bilong polis bai mekim save long husat polisman i paitim Mista Essy.

Em i tok ol CID bai pinism ripot na givim long opis bilong em long ol polisman bai kisim mekim save.

Wanpela teksi draiva, husat i bin stap long dispela taim long 4 kilok moning, i tok ol polis i paitim no gut Mista Essy bihain long ol polis i stopim em wantaim ol poro bilong em long ol i no draiv gut long rot.

Teksi draiva i tok Mista Essy i bin spak wantaim ol poro bilong em taim polis i stopim ol.

Em bin kam aut long kar na kros, na paitim ol polis na tro-moi ston na brukim winskrin glas bilong polis kar.

Em i tok polis i belhat long dispela na paitim Mista Essy no gut tru, na em i pudaun i go daun long graun.

Ol i bin kisim Mista Essy ol i go long Pot Mosbi Haus sik na em no nap long sanap na wokabaut, na ol i pusim em long wilsia raun

Mista Bawa i tok em les tru long ol planti ripot i kamap olsem ol polis man i paitim ol pablik.

Menyama bai kisim K5 milien moa long DSIP fan

Yakam Kelo i raitim

Praim Minista Peter O'Neill i tokaut long apim distrik mani bilong Menyama ilektoret long Morobe provins go antap long K15 milien.

Dispela em K5 milien go antap long K10 milien olgeta ilektoret save kisim long Distrik Sapot Impruvmen Program (DSIP) fan bilong ol olgeta yia. Mista O'Neill i mekim dispela toktok long las wik taim em bin go opim ol projek long Menyama distrik long las wik.

Menyama em wanpela longwe na hatpela ples tru long go o karim gavman sevis go bikos long maunten na bikbus ples na rot bilong kar i go i save hat tru. Isi rot em long balus tasol kos bilong balus i save antap tumas long ol manmeri i peim.

Kamap bilong Praim Minista Peter O'Neill long Aseki stesin long las wik i kamapim bikipela amamas tru long pes bilong ol manmeri bilong Menyama long lukim bikipela man tru bilong Papua Niugini i kamap krungutum graun bilong ol na lukim stret hat taim na hevi ol

save stap long en.

Minista O'Neill i tokim moa long 3,000 manmeri long Aseki stesin olsem dispela wokabaut bilong em i lukim stret hat taim na pen ol pipel i save bungim olgeta taim.

Em i tok gavman bilong em i gat pinis plen bilong lukluk moa insait long kain hatpela ples olsem Menyama na arapela moa olsem Kabwum, Telefomin, Not Flai ilektoret na arapela moa insait long kantri.

Olsem na gavman i makim pinis olsem olgeta hatpela ilektoret olsem bai kisim K15 milien insait long Distrik Sapot Impruvmen Program mani bilong ol.

Olgeta ilektoret long PNG save kisim K10 long olgeta yia tasol bikos long luksave bilong ol dispela kain hatpela ilektoret long kantri, ol bai kisim narapela K5 milien go antap long K10 milien.

Praim Minista i tok em luksave olsem dispela K10 milien i no inap long bringim gutpela sevis go long ol pipel bikos long longwe na hat taim we ol sevis bai go long en long kain ples olsem.



EMPNG Komyuniiti Developmen Menesa, Sisa Kini na EMPNG Wokfos Rilesens Menesa, Steven Knightshott i prisenim wanpela jenereta na 40 leptom i go long Yunitek Vais Sansela, Dokta Schram. Foto: Exxonmobil Midia

BSP Smart Business
6013 0123 4567 8910
06/17
Mrs Bank S Pacific

grow business

"A BSP Smart Business Loan helped my small home operation rise to become a Smarter Business."

Ginia Siaguru
Business Owner of Tapioca Delight

320 1212 / 7030 1212 - 24/7
servicebsp@bsp.com.pg
www.bsp.com.pg

BSP Proudly supporting PNG and the Pacific

US Embeseda toktok wantaim ol DWU sumatin



Embeseda Walter North i bung wantaim ol fainel yia sumatin na ol papa mama bilong ol DWU long Madang.

EMBESEDA bilong Amerika (US) long Papua Niugini, Walter North, i bin raun i go long Divain Wod Yunivesiti (DWU) long las wik.

Raun bilong Embeseda North i bin lukim em i toktok wantaim ol fainel yia sumatin bilong DWU long Misening Seremoni bilong ol.

Dispela Misening Seremoni em long soim luksave na amamas long ol fainel yia sumatin olsem ol bai pinisim yunivesiti laip bilong ol na redi long go long wokfos.

Dispela seremoni i bin lukim planti papa mama na ol famili bilong ol fainel yia sumatin i

kam bung na amamas wantaim ol sumatin.

Moa long 600 papa mama na poroman i bin stap long lukim ol fainel yia sumatin i kisim pendant bilong ol olsem fainel yia sumatin i redi long go autsait long wol na kisim nupela ekspirians.

Moa long 300 fainel yia sumatin i bin kisim pendant bilong ol.

Embeseda North i tokim ol sumatin long redi long wok strong taim ol i pinisim skul. Em i tokim ol long kamap ol lida we bai senisim dispela kantri, na strongim ikonomi.

Man stil long bot bilong Australia bilionea Stokes givim em yet long polis

WANPELA long ol man husat i bin stil long bot bilong Australia bisnisman na papa bilong Channel Seven Televisen long Australia, Kerry Stokes, i givim em yet long han bilong Madang polis long las wik Sarere.

Dispela yangpela man i bilong Bilia Ailan klostu long Madang taun na nem bilong em, Hans Baso.

Bihain long dispela man i givim em long han bilong lo, polis i sasim em aninit long si pairesi na lokim em long Jomba polis stesen.

Polis i wok long painim ol arapela wan lain bilong Baso, husat i kamapim trabel we i givim nem no gut stret long turis indastri long Madang na PNG tu wantaim.

Eking Madang Polis Stesin Komanda, Steven Yalamu i tok olsem dispela man bilong Bilia Ailan i givim em yet bihain long famili bilong em na ol komyuniti lida long Bilia Ailan na Krangret i toktok strong long ol lain husat i wokim trabel long givim ol yet

long han bilong lo.

Inspekta Yalamu i amamas long ol lida bilong Bilia na Kranget Ailan long sapatim wok bilong polis na lo na oda long bringim ol trabel man i go long han bilong lo.

Inspekta Yalamu i tokaut tu long wanpela bikpela polis operesen long Madang we i kamap stat long Septemba 20 i kam we polis i go insait long ol setelmen na ol ples klostu long taun long reid na holim pasim ol trabel man.

Em i tok insait long dispela reid ol i holim pasim pinis 15-pela trabel lain olsem saspek long ol hevi insait long Madang taun.

Inspekta Yalamu i tok Madang polis i wokim reid o wok painim insait long ol 9-pela eria arere long Madang taun olsem ong Sisiak namba 2, Pablik Tenk, DCA setelmen, Kerema kompaun, Gavstoa setelmen, Yabob viles, Kranget Ailan na Korog viles.

Em i tok insait long o operesen bilong ol long Korog viles,

polis i holim pasim wanpela saspek husat i bin kilim indai wanpela wokman bilong PNG Maritaim Koles tupela mun i go pinis long Sande maket long saut kos.

Em i tok tu olsem insait long operesen bilong ol Sisiak namba tu, polis i holim pinis tupela lain husat i bin hensapim eksekutiv vais presiden bilong Ramu NiCo (MCC) long las yia na stilim kar bilong em.

Inspekta Yalamu i tok long reid polis i karimaut long Yabob viles ol i holim pasim wanpela man husat i ronawe long polis longpela taim bihain long em i bagarapim wanpela 13-yia ol meri na tu stilim kar na ol arapela trabel.

Em i tok polis i holim pasim tu wanpela man long Gavs Stoa setelmen long wokim na salim hombru o 'yawa'.

Mista Yalamu i tok sampela moa lain em polis bai wokim painimaut yet long bringim ol long han bilong lo.

PNG Hai Komisina long SI raun long Buin

Eleanor Maineke i raitim

PNG Hai Komisina bilong Papua Niugini long Solomon Ailan, Sir Fred Yakasa, i bin raun i go long Buin distrik long Atonomas Rijon ov Bogenvil long stat bilong dispela mun.

Buin distrik em laspela distrik long Bogenvil

klostu long boda bilong Solomon Ailan na Papua Niugini.

Raun bilong Sir Fred em long tokaut long ol pipel bilong Buin distrik na ol ailan bilong Solomon Ailan we i stap klostu long Buin olsem bai gat wanpela miting long neks mun Nembemba wantaim ol

Ol lain husat i bin stap

long Kangu bris long tok welkam long Sir Fred em PNG Kastoms, Boda Developmen Otoriti, Polis na Distrik Edministresen bilong Buin.

Sir Fred Yakasa i tok em i amamas tru long gutpela welkam bilong ol pipel bilong Buin.



Sir Fred Yakasa long Kangu nambis wantaim ol lain bilong PNG Kastoms.

Menyamyaya i kisim gutpela helpim

Bustin Anzu i raitim

MENYAMYA distrik long Morobe Provins i kisim sampela gutpela luksave long kisim sampela projek long ol lidaman bilong kantri na provins long las wiken.

Maski Morobe So i go het long Lae siti, Praim Minista Peter O'Neill na Morobe Gavana Kelly Naru i go na stap wantaim ol pipel bilong Menyamyaya na ol manmeri bilong narapela provins olsem Isten Hailens na Galf Provins.

Bihain long dispela helpim bilong Nesenel Gavman bilong ol nesinol lida i kamap ples klia wantaim Distrik Sevis Impruvmen Program na Provinsel Sevis Impruvmen Program, planti helpim i go long ol pipel bilong kantri long kisim gutpela luksave long sevis.

Na Menyamyaya Distrik i bin lukim sampela bilong ol dispela sevis long las wik, taim Praim Minista O'Neill na Morobe Gavana Naru i go kamap long Menyamyaya distrik hetkwata.

Aninit long dispela luksave, Praim Minista O'Neill i opim wanpela nupela 3 dabol klasrum, 6-pela haus bilong tisa, tupela domitori bilong ol man sumatin, wanpela ples kaikai, givim wanpela kar bilong Menyamyaya Sekenderi skul, tripela waia bris, wanpela generator bilong skul na wanpela ambulens bilong Kapao Helt Senta long Kapao Lokol Level Gavman.

Praim Minista O'Neill i bin go na

winesim namba 25 Gret 10 greduesen long Menyamyaya Sekenderi Skul.

Long wankain taim tu, Praim Minista i lonsim 3-pela waia bris, wanpela disel pawa genereta bilong skul, EMTV signal bilong Menyamyaya stesin na givim wanpela nupela skul kar na wanpela ambulens bilong Kapao Helt Senta long Kapao Lokol Level Gavman.

O'Neill i tok promis tu olsem em bai painim mani long stretim dispela rot long Aseki i go kamap long Menyamyaya stesin.

Dispela rot em R and Sons Konstraksen kampani i wokim long Bulolo kam na stop long Aseki na Praim Minista bai putim mani long

pinisim dispela 33 kilomita rot i stap yet.

Gavana Naru taim tok tenkyu long Praim Minista long ol planti projek long Morobe Provins, i askim ol lida long wok bung wantaim.

Maski ol nesenel, provinsel o lokol level, olgeta mas wok bung wantaim long nem bilong developmen na kisim sevis igo long ol pipol. "Olgeta lida i mas wok bung wantaim long kisim gutpela sevis i kam long ol pipol we mipela i makim long karim hevi.

Long dispela pasin, bai mipela i lukim planti ol gutpela samting i kamap, long kain ples olsem Menyamyaya," Gavana Naru i tok.

Jiwaka bai amamasim Wol Fud Dei

James Lakari i raitim

OL gaden kaikai na ol wei bilong planim kaikai em ol bikpela samting we bai kamap long makim bikpela de bilong Wol Fud Dei (WFD) long Jiwaka provins long neks wik Mande. Dispela dei bai kamap long Kurumul stesin we Jiwaka Provinsel Edministresen wantaim Nesenel Agrikalsa Rises Institut (NARI) na Fres Produs Developpmen Ejensi (FPDA) i go pas long en.

Darekta bilong Teknikel na Ekonomik Sevises long Jiwaka Anton Kerru i tok Jiwaka provins i sambai long dispela bikpela de long kamap. Dispela em wanpela nupela samting long kamap insait long nupela Jiwaka provins. Olsem na mipela laik yusim dispela de long tokaut long ol pipel long luksave long kaikai em i bikpela samting wantaim ol gutpela gris bilong helpim bodi na ol samting i stap long en.

Mista Kerru i tok dispela dei em bikpela samting tu bikos strong na ekonomi bilong provins i sanap antap long agrikalsa. Jiwaka i no gat ol mineral risos olsem ol arapela provins. Strong bilong ol pipel em agrikalsa long mekim mani na tu long kaikai bilong ol na famili.

Em tok aninit long li-dasip bilong Gavana Dokta William Tongamp, ol laik mekim agrikalsa



Wanpela mama i kisim ol kaukau long gaden long Minj Jiwaka provins. Ol arapela kaikai ol save wokim kaukau tu bai ol soim long dispela bikpela de bilong Wol Fud Dei long Mande.

kamap wanpela bikpela developmen plen bilong provins wantaim olgeta nupela save na masin ol ken yusim long kirapim na strong agrikalsa long provins. Mipela laik lukim ol fama i kamapim moa prodaksen na go insait long bikpela saplai na kaikai bisnis, Mista Kerru i tok.

Em tok provins i laik lukim ol pipel i wok long graun na painim mani na i no ken sindaun long sait bilong rot na salim ol stua samting na mekim ol arapela rong pasin nabaut.

Mista Kerru i tok ol laik wok klostu wantaim NARI, FPDA, CIC na ol arapela long developim

agrikalsa insait long Jiwaka long kamap trupela agrikalsa provins long PNG.

Dispela bai helpim tru ol pipel long sait bilong agrikalsa, mekim mani na arapela senis insait long Jiwaka provins, Mista Kerru i tok.

Dispela Wol Fud Dei bai ol soim planti arapela samting bilong wok agrikalsa na faming na planti arapela lain na NGO grup tu bai kamap long soim ol wok na arapela samting ol save mekim long sait bilong skulim ol manmeri long gutpela kaikai, planim kaikai, bisnis bilong kaikai na ol arapela samting moa.

Air Niugini sainim nupela e-tiket agrimen

AIR Niugini i sainim wanpela nupela e-tiket agrimen wantaim Qatar Airways long strongim netwok bilong em long Afrika, Yurop, na long Midel Is.

Sif Eksekutiv Opisa (CEO) bilong Air Niugini, Simon Foo, i tok dispela agrimen bai lukim Air Niugini i yusim Singapore na HongKong olsem ol koneksen poin long go long ol bik taun long Afrika, Yurop na Midel Is.

Mista Foo i tok dispela agrimen bai givim gutpela sevis long ol kastoma bilong Air Niugini

husat i save i go i kam long Papua Niugini na long ol hap long Afrika, Yurop na Midel Is.

Em i tok olsem dispela agrimen i strongim wok pren bilong Air Niugini wantaim Qatar Airways tu.

“Ol kastoma bilong Air Niugini na Qatar Airways bai nau lukim olsem rot bilong ol namel long Papua Niugini i go long hap long Afrika, Midel Is na Yurop i isi,” Mista Foo i tok.

Mista Foo i tok dispela agrimen bai lukim ol kago bilong ol kastoma i stap gut, na ol lain long

Singapore na HongKong bai no inap long rausim ol kago inap ol kastoma i kamap long ol hap ol i laik go long en long Afrika, Yurop na Midel Is.

Qatar Airways em wanpela bikpela ealain kampani long Midel Is na long wol we i save givim sevis long ol pipel bilong Afrika, Esia, Midel Is, Saut na Not Amerika, na long Pasifik tu.

Dispela nupela agrimen i lukim Air Niugini i gat agrimen wantaim 33-pela ealain kampani long wol.

YWAM olupela Sip lusim Pot Mosbi

YWAM Trening na Medikol Sip, MV *Pacific Link*, long las wik Fraide i bin lusim Mosbi na i go olgeta, na i luk olsem em i taim bilong em long stopim wok olgeta nau.

Dispela I bihain long em i bringim gutpela helpim long planti tausen pipel bilong Papua Niugini long ol bus ples bilong Galp na Westen Provins stat long 2010, na bihain long pinis bilong 7-pela mun wok autris long 2014.

Nupela sip bai kisim ples bilong MV *Pacific Link*, em MV *Ammari*. Nau bikpela fanresing em YWAM Medikol Sip i wok long ranim long kisim moa mani long baim dispela sip long mun Disemba. Klostu long K10.7 milien moa i stap long ol bai bungim yet long baim dispel sip long 4 Disemba, 2014. Nupela sip bai sut stret long ol ples i stap longwe long taun insait long Sauten Rijon na long mekim moa wok i go long Huon-Gulf.

Ken Mulligan, Menesing Dairekta bilong YWAM Medikol Sip, i tok nau em i lukim wanpela laiptaim em i pinis na nupela laiptaim o sapta bilong buk i op gen long wok bilong YWAM

long Papua Niugini.

“Mipela i gat rait long soim bikpela amamas long wanem wok MV *Pacific Link* i kamapim pinis. Em i bin wokim moa long 249,952 helt, trening na kepesiti bilding output long 2010 i kam inap nau. Tasol long dispel taim wok bilong mipela i winim sais bilong olupela sip. Nau MV *Ammari* em i nap givim mipela spes inap long wokim moa wok long mak bilong 500 pesen moa long ol ektiviti bilong program long bringim gutpela sindaun long ol ples i stap rabis tru i no gat helt sevis,” Mista Mulligan i tok.

Las wok bilong MV *Pacific Link* em wanpela pailot program insait long Milen Bei Provins we, planti wok i kamap, 72 ol lain i gat sik long ai i lukluk gen wantaim operesen long ai.

Wanpela yangpela meri, Mina, i kisim nupela glas na em i nap lukluk gut gen. Bihain long em i kisim glas bilong em, dispel yangpela meri i sindaun wantaim ol wok laing bilong YWAM long klinik na em i stori long ol driman bilong em long wokim skul bilong em inap em i kisim yunivesiti.

Tasol sori tru olsem ai bilong em i no gutpela tumas na em i


save taitim bun long ritim ol liklik rait long pepa.

“Taim ol tim bilong mipela givim em strongpela glas tru mipela i gat i stap, nau Mina ken ritim ol rait klia na em i ken go het long skul bilong em wantaim strongpela tingting. Wok bilong mipela em long bringim dispela kain hop long ol pipel,” Mista Mulligan i tok.

Taim i wok long kam klostu nau long YWAM i mas baim MV *Ammari*, we i gat deposit mani bilong K4 milien i kam long Sios-Stet Patnasip program the bilong Dipatmen bilong Nesenel Plening na Monitoring i bin putim long yia 2013.

Ol i mekim toktok yet long narapela ol rot bilong kamapim moa mani long baim stret dispel medikol sip.

Mista Mulligan i tok tu olsem em i gat bikpela tenkyu long Dipatmen bilong Helt, Nesenel Kepitel Distrik, Western, Galp, Oro na Milen Be, Sentral na Morobe Provinsel Gavman, InterOil, Stimsip Trening Kampani, PNG Ports Kopresen na Curtain Bros. Ol i wok long painim yet sampela lain long baim MV *Pacific Link* bihain long em i pinis wok.



PABLIK NOTIS

TEKSPEA REJISTRESENS I KAMAP NAU LONG OPIS BILONG INVESMEN PROMOSIEN ATORITI (IPA)

Olgeta kampani na bisnis husat bin putim rejistresen aplikesen long IPA nau i gat rejista bilong ol tu long Intenel Reveniu Komisnin (IRC) long sait bilong takis olsem wok bilong bisnis rejistresen. Olgeta bisnis husat i rejista wantaim IPA nau i gat Tekspea Aidentifikesen Namba (TIN).

Taim rejistresen bilong yu wantaim IPA i pinis bai IRC i kolim yu na givim yu ol dispela infomesen:

- Tekspea Aidentifikesen Namba (TIN) Setifiket (holim olsem rekot blong yu)
- Wanpela TIN rejistresen pepa yu mas pulapim na salim kam bek long IRC long stretim rejistresen bilong yu wantaim tu ol arapela infomesen bilong yu na ol rekot bilong takis we bisnis o kampani bilong yu kam aninit long en.
- Toksave olsem potnait pei takis na GST takis akauns i bin op pinis (long olgeta kampani rejistresen).
- Tok klia tu long ol takis yu mas bihainim – wantaim lodsmen na peimen yu mas mekim.

● Putim teks remitens fom wantaim ol dispela pepa taim yu pulapim ol dispela pepa.

Long save gut moa long ol takis yu stap aninit long en, yu ken lukim websait blong mipela long: www.irc.gov.pg

Toksava: Yu mas tingim long salim TIN rejistresen fom go long IRC taim yu kisim dispela pepa na list bilong ol takis kampani o bisnis bilong yu save peim. Dispela em bikpela samting long IRC i luk save taim em stretim rejistresen bilong yu. Sapos yu no salim kam bek dispela TIN rejistresen fom bai yu bungim hevi long brukim sampela lo bilong IRC.

Tok orait kam long
Ms Betty Palaso
The Commissioner General
Your Partner in Nation Building

Salim 'mon' long baim skul saplai

James G. Kila i raitim

MON em prut bilong wanpela diwai i save stap long Madang na Is Sepik we ol meri i save salim na kisim moni long en.

Taim dispela prut 'mon'em i yangpela em i gat kala grin, na taim em i mau em save go yalo. Long Madang provins, mon i save kamap long olgeta hap na em fevered prut blong planti lain bikos taim ol i save kaikai ol i save pilim nais na tu em save opim ai blong ol. Taim dispela prut 'mon'em i yangpela em i gat kala grin, na taim em i mau em save go yalo.

Wantok nius ripota i raun long las wik na lukim wanpela liklik meri, nem bilong em Doris Turis na em bilong Begesin eria long Madang provins. Ples bilong em i stap long Usino-Bundi LLG na em i salim 'mon' long Meraine maket arere long Madang-Ramu Haiwe.

Doris i salim mon long 20-toea tasol long wan wan mekpas. Em i wankain tasol long planti narapela bikpela meri na ol yangpela olsem long salim 'mon'prut long haiwe rot bilong Madang-Ramu. Mis Doris i tokim *Wantok Niuspepa* olsem em i



Doris Turis na mama bilong em i salim mon long Meraine maket klostu long Madang-Ramu haiwe. Foto: James Kila

salim mon long painim moni long baim sampela samting bilong skul.

Doris i tok olsem planti ol kas-toma bilong Meraine maket em ol lain husat i ron long PMV bas i go kam long Madang-Ramu Haiwe.

"Planti taim ol mama na yangpela meri i save baim mon na tu Maggie kiub mipela salim na ol i save amamas na kaikai na ron long bas i go," Doris i tok.

Em i tok em i save kisim olsem K10 long wan wan de taim em bringim mon blong em i go salim long maket.

Mon em wanpela kain nat o prut planti lain long Madang na Is Sepik i save laikim stret. Sampela taim ol meri i save tok ol save opim ai taim ol i kaikai mon wantaim sol o Maggie kiub.

Tasol las wik tasol Doris wantaim ol lain mama husat i save salim kaikai olsem kumu, banana na taro na taro kongkong long Meraine maket i kisim tok lukaut i kam long Ramu NiCo (MCC) divelopa bilong nikel-kobalt projek long Madang olsem maket long Meraine i sindaun antap long paipain. Olsem na ol i mas surikim maket bilong ol i go long seif eria.

BSP sapatim SME long K35milien

....Maru laikim benk sevis mas isi long ol pipel

Stanley Nondol i raitim

BIKPELA komesek benk long kantri, Benk Saut Pasifik (BSP) i tokaut olsem long rekot, em i sapatim ol liklik bisnis (SME) insait long kantri long mani mak bilong K35 milien.

Na benk i wok long go het na sapatim SME polisi bilong gavman.

Deputi Sif Eksektiv Opisa (CEO) bilong BSP, Johnson Kalo, i tok benk i wok long givim mani long ol liklik bisnis long kantri na i go het long sapatim ol liklik bisnis sekta long gro.

Mista Kalo i tok long rekot bilong BSP, i gat 12,000 SME.

Em i tok BSP i givim 700 lon o dinau mani long ol SME bisnis long kantri taim program bilong SMEi bin stat tripela yia i go pinis long mani mak bilong K35 milien.

Mista Kalo i tok ol bisnis BSP i bin givim mani helpim em ol bisnis i save ran long K3 milien long wanwan yia.

Mista Kalo i tok SME long kantri i gro kwik na benk i wok long givim sapat yet long helpim ol dispela liklik bisnis long gro na sapatim ikononi bilong kantri.

Long rekot bilong BSP, planti ol SMEem benk i sapatim ol bisnis i stap long ol taun na siti.

Mista Kalo i tok benk i lukluk na wok hat long givim sapat long ol SME bisnis i stap long ol rurel komyuniti long olgeta rijon bilong kantri.

Long wanakain taim, Benk bilong Papua Niugini i kamapim fainensel litresi program long olgeta pipel long kantri i mas luk-save long ol sevis benk i givim na ol mas yusim ol dispela sevis.

Planti ol fainensel institusen i wok long mekim wok aninit long

BPNG long skulim ol manmeri long olgeta hap long kantri long givim trening long ol fainensel save long ol pipel i mas klia long rot bilong bisnis, na rot bilong yusim mani na sevim mani.

Planti ol miting bilong BPNG na ol komesel benk na gavman tu i tok ol pipel bilong kantri i mas save long sevim mani na sevim mani i mas kamap pasin bilong ol pipel.

Sevim mani menesim mani em tupela bikpela topik we ol fainensel institusen i wok long tokim ol pipel long klia long en.

Long helpim ol pipel i kisim moa save long mani na helpim ol long kisim helpim bilong benk, gavman i wok hat long putim benk bilong ol pipel yet – Pipels Maikro Benk long olgeta hap bilong kantri.

Planti taim, ol pipel i save pilim pen long ol komesel benk i sasim ol planti benk fi. Na tu em i save hat long ol pipel i opim akaun long ol komesel benk bikos benk i save askim ol long ID kat na planti arapela askim moa.

Dispela kain pasin bilong komesel benk i lukim plantipipel i stap longwe long benk Na em i hat long ol pipel i go askim benk long dinau mani long mekim bisnis bikos benk i no save long ol.

Ol dispela em wari bilong Minista bilong Tred Komes na indastri, Richard Maru.

Mista Maru i tok gavman bai wokim benk bilong ol pipel yet na em i wokim 4-pela brens na sampela brens bai kamap klostu taim.

Minista Maru i tok benk bilong pipel yet bai mekim isi long ol pipel long yusim ol sevis, opim akaunt na kisim dinau long benk long mekim bisnis.

Prais bilong petol go antap, disil na kerosin kam

INDEPENDEN Konsuma na Kompetisen Komisnin (ICCC) i tokaut olsem i gat sampela senis i kamap long prais bilong petrol, kerosin na disil long mun Oktoba.

Prais bilong petrol go antap na prais bilong kerosin na disil i kam daun.

ICCC i tokaut long dispela bihain long em i kisim toksave long piul saplaia, Puma Energy taim kampani i skelim interim prais-ing agrimen we kampani i wanbel wantaim gavman.

Komisina bilong iCCC, Dokta Billy Manoka i tok

wok skelim bilong piul prais bilong Puma Energy i soim olsem prais bilong piul long Oktoba i senis.

Nupela prais bilong piul em;

Prais bilong petrol i stap long K1.90 long wanwan lita long Oktoba. Long mun Septemba, em i bin stap olsem K1.89 long wanpela lita. Prais bilong disil i kam daun long K1.94 long Oktoba. i bin K2.00 long mun Septemba. Na prais bilong kerosin i kam daun long K1.93 long Oktoba na long Septemba bin stap long K1.98.

Dokta Manoka i tok prais bilong disil na kerosin i kam daun long Oktoba na petrol i go antap long impot Parity Price (IPP) levul. Tasol long averej mak bilong IPP, prais bilong olgeta i kam daun long mun Oktoba.

Dokta Manoka i tok piul prais i kam daun bikos krud oil prias long wol maket i senis.

Em i tok bihain long glasim gut olgeta prais long IPP levul, averejbi-long domestik ritel prais bilong kago long kantri tu bai senis.

Em i tok prais bilong olgeta sevis stesen bai senis.

Long dispela senis bai lukim prais bilong petrol i go antap long 2.06 t, disil i kam daun long 5.73t na kerosin kam daun long 5.15t.

Dokta Manoka i tok em i wok bilong ICCC long mekim wok long lukim ol pipel i baim long prais em i tokaut long en.

Em i tok ol wokman bilong ICCC bai go raun long sevis stesen stat long Oktoba 8 long lukim ol piul saplai i mas no ken makim antap long ol prais iCCC i tokaut long en.

Marape i tok nogat fri mani

Stanley Nondol i raitim

MINISTA bilong Fainens James Marape i tok no gat fri mani na ol papagraun bilong ol provins i gat risos i mas noken askim gavman long fri mani long statim bisnis. Ol i mas go kisim dinau long benk na statim bisnis na bekim lon o dinau.

Minista Marape i tok Nesenel Gavman i putim bikpela mani pinis long Nesenel Divelopmen Benk (NDB) na Pipels Maikror Benk long ol pipel bai kisim dinau na mekim bisnis.

Em i tok planti taim ol pipel i save go long ol memba, Dipatmen bilong Fainens, Tresari na Nesenel Plening na i save

askim mani long ol i laik statim bisnis bikos ples bilong ol i gat ol planti naturel risos i stap.

Minista Marape i tok olgeta pipel bilong kantri i gat wankain rait long kisim helpim bilong benk, na i gat rot benk i putimlong bihainim long kism dinau mani na i go kisim fri mani long gavman na ol memba bilong ol.

Minista Marape i bin makim gavman na i givim K9 milien long NDB long wokim tripela nupela Pipels Maikro Benk i tok ol pipel i mas save olsem gavman i statim Maikro Benk pinis. Na tu, putim bikpela milien kina long NDB long helpim pipel long kisim dinau mani na wokim bisnis.

Em i tok gavman long 2 o 3 yia taim bai daunim intres ret bilong NDB long 6.5 pesen i kam daun na bai givim 40 yia long ol pipel i ken bekim dinau.

"Noken kam long Dipatmen bilong Fainens, Tresari o Nesenel Plening na askim long mani long statim bisnis. Y upela i go long NDB na Pipels Maikro Benk na askim long dinau long mekim bisnis, bikos gavman i putim mani bilong yupela stap long dispela tupela benk long helpim yupela", Minista Marape i tok.

"Gavman bai go het long wokim planti Pipels Maikro benk na sapatim NDB, putim planti mani long tupela benk long olgeta baset. Husat i laik wokim

bisnis i mas go long hap. Mipela long gavman i laik sapatim ol trutru binisman na i no konman o pepa binisman", Minista Marape i tok.

Minista Marape i tok gavman i wok patna wantaim NDB long sapatim ol pipel na nau i sapatim Benk Saut Pasifik (BSP). Em i pulim moa komesel benk long joinim gavman long sapatim ol pipel long stretpela rot bilong mekim bisnis.

"Dispela wok patna wantaim ol benk na sapatim NDB em i plen bilong gavman long sapatim ol pipel long go insait long bisnis, sevim mani na lukautim ol yet na helpim ikononi bilong kantri long gro," em i tok.



What is a cataract?



TOKSAVE!! Planti lain i askim long raitim toktok bilong helt long Tok Inglis olsem na mipela traim long putim Inglis long dispela wik tasol. Sampela lain i traim long ritim ol nem bilong sik na ol ikwipmen long Tok Pisin na em i hatwok, olsem na mipela i mekim olsem. Plis salim sms i kam long 7155-9966 na tokaut long tingting bilong yu.

The clear lens behind the pupil is responsible for focusing the light on the retina at the back of the eye and for us to see.

Cataracts are changes in clarity of the natural lens inside the eye that gradually decrease vision. The natural lens sits behind the colored part of the eye (iris) in the area of the pupil, the pupil appears white when there is an advanced cataract. The lens becomes very cloudy and appears white.

What are the symptoms of cataract?

Significant cataracts may not appear white but block and distort light passing through the lens, causing visual complaints. When people develop cataracts, they begin to have difficulty doing activities they need to do for daily living or for enjoyment. Some of the most common complaints include difficulty glare and driving at night, blurred vision while reading or sewing, difficulty to focus when participating in sports, or traveling to unfamiliar areas; these are all activities for which clear vision is essential.

What causes cataracts?

Cataract development is usually a very gradual process of normal aging but can occasionally occur rapidly. Many people are in fact unaware that they have cataracts be-

cause the changes in their vision have been so gradual. Cataracts commonly affect both eyes, but it is not uncommon for cataracts in one eye to advance more rapidly. Cataracts are very common, affecting roughly 60% of people over the age of 60. However, in PNG a lot of people develop cataract in their 50's, especially diabetics and people with history of trauma to the eye.

Rarely, cataracts can present at birth or in early childhood and in young adults due to severe trauma to the eye. Eye surgery, or intraocular inflammation can also cause cataracts to occur earlier in life. Other factors that may lead to development of cataracts at an earlier age include excessive ultraviolet-light exposure, diabetes, smoking, or the use of certain medicines, especially steroids.

Cataract diagnosis

Although your doctor will be able to tell when you first begin to develop cataracts, you will generally be the first person to notice changes in your vision that may require cataract surgery. You don't have to wait for the vision to become really poor before you go for surgery.

It is recommended that people over 40 must have an annual comprehensive eye examination which includes the following:

Visual acuity test: An eye chart test is used to measure your reading and distance vision.

Refraction: Your eye doctor should determine if glasses would improve your vision.

Tonometry: a standard test to measure fluid pressure inside the eye (Increased pressure may be a sign of glaucoma.)

Microscopic examination of the eye after pupil dilation: The pupil is enlarged with eye drops so that

the ophthalmologist can further examine the lens and retina. This is important to determine if there are other conditions which may ultimately limit your vision besides cataracts.

Cataract Treatment Surgery

The standard cataract surgical procedure is typically performed in a hospital by a specialist eye doctor. There are four techniques for cataract surgery to remove the cloudy lens as no medicine is currently available to cure cataracts.

Phacoemulsification (phaco):

Internationally, the most common form of cataract surgery today is a process called phacoemulsification. In PNG, this modern technique is available at the Pacific International hospital in Port Moresby.

With the use of an operating microscope, your surgeon will make a very small "key hole" incision in the surface of the eye in or near the cornea and will then insert a thin ultrasound probe from the phaco machine into the eye. The machine uses ultrasonic vibrations to dissolve (phacoemulsify) the cataract (clouded lens).

These tiny fragmented pieces are then suctioned out through the same ultrasound probe. Once the cataract is fully removed, an artificial foldable lens is inserted through the key hole and placed into the same thin bag that the cataract occupied. This intraocular lens implant is essential to help your eye focus after surgery. In this modern method, cataract surgery can usually be performed in less than 20 minutes and may require no numbing injection and no stitches to close the wound!

Extracapsular cataract surgery:

This procedure is commonly

used in the public hospitals in PNG. This traditional technique requires a larger incision to remove the cataract in one piece from inside the eye. An artificial lens is placed in the same capsular bag. This surgical technique requires a various number of sutures to close the larger wound, and visual recovery is often slower, requiring removal of tight stitches 6 weeks after surgery. Extracapsular cataract extraction usually requires an injection of numbing medication around the eye and an eye patch after surgery. Recovery time is longer due to astigmatism from tight sutures and may affect visual outcome.

Small incision cataract surgery

This procedure is now very popular in developing Nations and is replacing extracapsular surgery where no phaco technology is available or affordable.

In this procedure the cataract is removed through a self sealing corneal tunnel incision and hence avoids sutures and its complications.

Surgery and recovery are faster than Extracapsular surgery. Some public hospitals in PNG are also offering this procedure and it is routinely done at Pacific International Hospital. It is a cheaper and effective alternative to modern phaco surgery.

Intracapsular cataract surgery:

This surgical technique requires an even larger wound than extracapsular surgery, and the surgeon removes the entire lens and the surrounding capsule together.

This technique requires the intraocular lens to be placed in a different location, in front of the iris. This method is rarely used today but can be still be useful in cases of significant trauma.

CATARACT FACTS IN PNG

Did you know that it is estimated that there are over 30,000 people living in PNG who are unnecessarily blind from cataract or a cloudy lens?

Don't let these people suffer from avoidable blindness due to a correctable condition and be a burden on their family and society.

A simple cataract operation can restore their sight and improve their quality of life.

All PNG citizens should be aware of "VISION 2020 "the right to sight " a global initiative by WHO/IAPB to reduce avoidable blindness globally by year 2020.

If you are having symptoms of blurred or cloudy vision please visit an Optometrist or an Eye clinic.

The public is informed that Pacific International hospital and Eye care plus located in Steamships Down Town Port Moresby provide free eye and vision screening. Walk-in or Call now to book your free appointment at 323-3338.

If you have elders living in the village near Port Moresby, who are suffering from poor vision please take time out to bring them for a free eye test at any of the EYE CARE locations or PIH.

If you would like us to come to your village to do a free eye screening for the community or church, please contact PIH 323-4400 to plan your eye screening program.

Dr. Amyna Sultan, is a US qualified specialist eye doctor who accepts private phaco and SICS cases at PIH and also performs free cataract surgery at PIH, for the disadvantaged and needy patients who are suffering from avoidable blindness due to cataracts.

October being the month World Sight Day is being marked, for this whole month of October Eye Care in Port Moresby will run special offers.

*For this October come for your
consultation and get 15% off
from your purchase of
prescription glasses!*



**Pacific
International
Hospital**

delivering advanced healthcare

Eye Care locations in Port Moresby:

- Waterfront Food World, Harbour City Pom, Ph: 320 1991
- Vision City Mega Mall, Shop No F5, level 1, Waigani Pom, Ph: 343 1582
- Steamships Plaza, Shop No 29, Down Town, Pom, Ph: 320 3338

Pacific International Hospital:

4-mile (Boroko bus stop) - 323 4400, Specialty Clinic (3-mile) 311 3000
and Vision City - 310 0485 Website: www.pih.com.pg
Text line (for SMS inquiries ONLY) - 7155 8866

Gret 8 sumatin long Erima praimer i kisim infomesen

OL SUMATIN long ol skul insait long Ramu NiCo Projek eria long Madang provins i mas save moa na kisim gutpela infomesen long operesen bilong dispela namba wan nikel-kobalt projek long PNG.

Dispela em long bringim stret-pela infomesen i go long ol manmeri long ples na haus lain bilong ol.

Dispela em as-tingting bilong Ramu NiCo long invaitim o bringim ol sumatin i go long Operesen Bes bilong em long Madang long serim infomesen bilong kampani wantaim ol.

Dispela em as ingting Pablik Rilesens Seksen bilong Kopret Afes Dipatmen bilong Ramu NiCo i tokaut long em long dispela wik.

Long Mande dispela wik, moa long 60 Gret 8 sumatin bilong Erima Praimeri skul long Astrolabe Be LLG long Raikos Distrik i bin mekim lukluk raun bilong ol i go long Operesen Bes bilong Ramu NiCo long Madang taun we ol i harim na lukim video na tu, harim ol toktok we i stori long Ramu Projek stat long konstraksen taim i

kam inap long operesen i stat long Oktoba 2012.

Erima Praimeri skul i stap insait long Kostal Paipain eria bilong Ramu Project, na em i gutpela sans long ol sumatin i go harim na kisim ol nupela infomesen long Projek long go na stori long ol lain famili bilong ol long ples na haus lain.

Oi Pablik Rilesens Seksen bilong Kopret Afes Dipatmen bilong Ramu NiCo i go pas long redim dispela presentesen bilong ol sumatin, na i lukim ol i givim gutpela toktok na tok-klia long ol sumatin na tisa long wanem wok i bin kamap inap tude.

Insait long presentesen long Mande, ol pablik rilesens lain bilong Ramu NiCo i bin givim toktok long stat bilong konstraksen i kam inap operesen i stat na tu ol helpim Kampani i givim long kamapim ol infrastraksa projek olsem rot na bris, sapot long kamapim ol skul na eid pos na tu ol helpim i go long ol papagraun long sait long wokim bisnis.

Bikpela samting we ol sumatin i askim ol kwesten em long sait long



Ol gret 8 sumatin bilong Erima praimer skul i sanap fran long Ramu NiCo 'Glass Haus' Operesen Bes long Madang taun.

envairomen, we ol lain Ramu NiCo opisa i givim infomesen long sait long dip si teilings na tu long sal-farik esid na ol arapela samting.

Ol gret 8 sumatin wantaim tisa bi-

long ol i amamas long kisim ol fres infomesen long dispela namba wan nikel/kobalt projek long kantri.

Em i namba wan taim bilong olgeta long go insait long wanpela

bikpela opis na sindaun long bikpela konprens rum, na dispela em i givim ol narakain piing stret na ol i amamas moa yet.

Mosbi MP saptim setelmen long kisim wara

Stanley Nondol i raitim

OL memba bilong Pot Mosbi i wok bung wantaim wara kampani, Eda Ranu na i wok long putim planti tep wara long ol setelmen long siti.

Long dispela wik Tunde, Gorobe komyuniti long Mosbi Saut i bin kisim 15-pela nupela tep wara bihain long memba bilong ol na minista bilong Spot na Pasifik Gems, Justin Tkatchenko i givim mani long Distrik Saptim Progrem na Eda Ranu i joinim pam i go long Gorobe komyuniti.

Oi lida bilong Gorobe komyuniti i tok ol i amamas bikos moa long 20 yia ol i no bin gat wara long klostu long ol.

Oi i save kisim wara long wanpela tep i stap long we. Ol i save putim baket na kontena na sanap long longpela lain inap ol i kisim wara long kuk kaikai, waswas na wasim ol samting.

Dispela hevi bilong no gat wara long setelmen em i bikpela hevi long planti setel-

men long Mosbi. Ol pipel i save kisim taim long planti yia.

Oi memba bilong Mosbi ol pipel i makim long 2012 ileksen i luksave long dispela hevi.

Wankain pasin em memba bilong Mosbi Not Is, Labi Amaiu i mekim long ol bikpela setelmen long distrik bilong em.

Mista Amaiu i putim bikpela milien kina long Eda Ranu na putim wara saplai long olgeta setoemen long Not Is distrik.

Bikpela singaut na toksave em olsem ol memba i putim mani na Eda Ranu i pulim wara i go long setelmen long helpim ol pipel. Tasol ol pipel i mas lukautim ol dispela wara.

Taim Mista Tkatchenko i opim wara long Gorobe, em i tokim ol pipel olsem em i helpim ol long mekimlaip bilong ol isi.

"Dispela em wara bilong yupela i no bilong mi, yupela i mas lukautim gut", Mista Tkatchenko i tokim ol pipel long Gorobe setelmen.

ATS komyuniti long Mosbi Not Is i gat

wara komiti. Ol komiti i save putim lo bilong yusim wara na save kisim K10 long wanwan haus long wanwan wik na givim long Eda Ranu.

Oi i baim tupela taim pinis long mani mai bilong K22,000.

ATS i gat moa long 10,000 populesen. Na memba bilong ol, Labi Amaiu, i wari long ol i no kisim wara longpela taim.

Oi pipel i amamas na i tok ol bai lukautim gut wara na ol yet i baim wara bil.

Mista Amaiu wantaim helpim bilong EdaRanui putim wara long olgeta setelmen pinis.

Minista Takatchen i tok em bai putim K650,000 long alai setelmen long Mosbi

Saut klsotu taim bai Eda Ranu i joinim paip go long eria.

Eda Ranu wok man i givim tok lukaut olsem sapos ol pipel i no lukautim gut wara bai wara kampani no nap putim get.

Bai Eda Ranu wantaim Gorobe komyuniti i sainim wanpela agrimen long neks wik long rot bilong baim wara bil na ol arapela.



Mosbi Saut MP, Justin Tkatchenko na Not Is MP, labi Amaiu.



Wanpela mama i amamas tru olsem wara saplai i kam insait long Gorobe setelmen na em i kisim ol kontena na danis wantaim i go long kisim wara.

Tok lukaut long Gavana Juffa

Stanley Nondol i raitim

GAVANA bilong Oro, Garry Juffa, i givim tok lukaut i go long ol kampani husat i laik mekim bisnis long Oro long developim naturel risos o egrikalsa bisnis i mas kisim tok orait bilong provinsal gavman.

I gat bikpela tok tambu i stap long olgeta graun bilong Oro, na gavman bai mekim save long husat i go insait long mekim bisnis long laik.

Mista Juffa i tok gavman i stopim pinis ol graun we Lens Dipatmen isave givim aninit long nem bilong

mekim Egrikalsa bisnis o SABL, tasol i gat sampela kampani i stilim graun yet.

Mista Juffa i tok planti stil pasin long graun i kamap yet bikos ol papagraun i sapatim ol ausait kampani na tu, ol korap gavman opisa long ol gavman dipatmen i larim ol stil pasin i kamap yet.

Mista Juffa i tok Oro Provinsal Gavman i putim tambu pinis long ol ausait kampani bai kisim graun na mekim bisnis long provins bilong em.

Mista Juffa i tok provinsal gavman i kotim wanpela kampani i kisim graun aninit long Spesol

Agrikalsa na Bisnis Lis.

Em i tok em bai kotim husat i laik kam long Oro na kisim graun long pasin korapsen na mekim ol bisnis.

Em i tok provisal gavman i wok klostu wantaim ol papagraun na lukluk long givim gutpela sevis i go bek long ol papagraun long ol bisnis i kamap antap long graun. Na i no gat spes bilong ol giaman lain i laik kam insait long nem bilong mekim egrikalsa bisnis na save katim timba na mekim loging bisnis.

"Taim bilong mekim iligel loging bisnis na stilim graun em i pinis.

"Planti taim yumi save larim ol

bikpela kampani i save pusim ol pipel i go long we na i save kism graun bilong ol na mekim bisnis, kisim winmani na i save ronawe i go long kantri bilong ol," Mista Juffa i tok.

Em i tok ol papagraun i save kisim liklik tru o nating long graun bilong ol.

Oi konman na namelman i save giamanim ol papagraun na taimol papagraun i laik toktok long ol rait bilong ol, ol polisman i save mekim save long ol na ol save i stap maus pas.

Mista Juffa i tok ol dispela kain giaman pasin i pinis na i nonap moa

kamap long Oro Provins taim em i stap gavana bilong provins.

Mista Juffa i tok provinsal gavman na papagraun bai banisim graun na ol naturel risos long kisim ol gutpela kampani i kam insait aninit long lo long mekim bisnis.

Long wankain taim, Mista Juffa i singaut long olgeta memba bilong Palamen long lukluk long ol kampani i laik kam insait long provins, na i laik kisim graun na mekim bisnis.

Em i tok olgeta memba na lida i mas tokpait long lukautim ol risos na pipel bilong kantri.

Politikel apoinmen long bod i no gutpela long kantri: Basil

Stanley Nondol

DEPUTI Oposisen lida, Sam Basil i tok i gat bikpela wari long pait namel long Bod na Mensemen bilong Nesenel Brotkasting Kopresen (NBC), na wantaim Minista bilong Komyunikesen, Jimmy Miringtoro.

Mista Basil i tok rot gavman i makim bod siaman bilong Nesenel Brotkasting Koporesen (NBC) i no gutpela tumas.

Em i tok Bot siman bilong NBC, Timoty Tala em i bin pastaim memba bilong Palamen, maski em i ken gat save tasol kain makim i givim tingting long publik olsem gavman i makim em bikos i gat dil wanatim gavman nau stap long pawa.

Mista Basil i mekim dispela toktok bihain long planti toktok i akamap publik olsem pait i wok long kamap namel long bot na menesmen bilognNBC, na pait tu akamap namel long bot, menesmen na Minista bilong



Sam Basil.

infomesen na Komyunikesen.

Mista Basil i tok Komyunikesen em i bikpela sevis long kantri na ol pipel i gat rait long save long wanem samting kamap long gavman na long kantri.

"NBC em i billong ol pipel na em i mas independen long wok bilong em. Oi politisen o gavman i mas no ken traim long kontrolim NBC long wok bilong en long givim infomesen long ol pipel."

"Mi lukim olsem NBC i wok

long go long rot ol politisen i stap long pawa i laikim na dispela i no gutpela long kantri" Mista Basil i tok.

Mista Basil i tok ol pastaim memba bilong Palamen i save kisim pensen long olgeta potnait i kam long Palamen. Oi i ken yusim save bilong ol long narapela hap tasol i no ken kamap olsem bod siaman long ol institusen bilong gavman olsem NBC.

Gavman i makim Timoty Tala olsem bod bilong NBC.

Tasol bihain liklik. Mista Tala i kamap long ai bilong distrik kot na kisim sas long em bin kisim K20,000 bilong NBC na yusim long laik bilong em.

Mista Tala i stap long K2000 beil.

Mista Basil i tok NBC i mas mekim wok bilong em stret olgeta taim.

Long dispela yia, trpela sinia wokman bilong NBC i kisim mekim save long ol i ronim trupela stori i egensim gavman long redio na Kundu 2 TV.

Polye i tok PPP em long stretim SOE

Stanley Nondol i raitim

MEMBA bilong Kandep na lida bilong T.H.E Pati, Don Polye i tok gavman i mas mekim wanpela komitmen long mekim wok long lukim Publik Praivet Patnasip (PPP) i mas stretim bisnis bilong gavman, kisim save long ol investa na givim sevis long ol pipel.

"PPP em i no bilongsalim ol bisnis bilong gavman i go long praivet sekta", Polye i tok.

Mista Polye i tok as tingting bilong PPP em long inwaitim praivet sekta long wol maket i gat bikpela kompetisen long kam wantaim save na fainensel rios, na joinim Independen Publik Bisnis Koporesen (IPBC) we em i seaholda bilong bisnis bilong gavman (SOE).

Mista Polye i tok IPBC i no bin mekim gut wok long menesim stet na bisnis bilong gavman long planti yia, na PPP em i bilong kirapim IPBC long wok patna wantaim praivet sekta long mekim win mani long bisnis bilong stet na apim baset bilong kantri.



Memba bilong Kandep, Don Polye

"Tasol gavman i kwiktai tokaut long salim sampela bisnis bilong stet (SOE.) na dispela i no as tingting bilong nupela PPP lo na polisi," Mista Polye itok.

"Oi sitisen bilong PNG na ol institusen bilong kantri yet i mas kisim ol sea long SOE,s tasol em i gutpela long long gavman bai kisim praivet sekta bisnis i mekim bisnis long bikpela maket i gat kompetisen long patna wantaim SOEs long mekim senis long lukim sevis deliveri i kamap stret. Na apim fainensel posisen bilong SOE" Mista Polye i tok

Mista Polye i tok ol SOE i

no gat inap save na fainensel risos, na i gat planti hevi na nonap long mekim gut wok long pulim planti winmani long givim gutpela sevis long ol pipel.

Mista Polye i tok ol praivet sekta kampani gat save na fainensel risos tasol i mas wok patna wantaim IPBC long kamapim rifom long ol SOE.

Em i tok PPP polisi i gutpela long ol SOE i ken yusim long mekim inap winmani long givim gutpela sevis na tu, i ken sapatim baset bilong gavman.

Mista Polye i mekim dispela toktok long autim tingting bilong em long gavman i tokaut long salim sampela sea bilong stet olsem Air Niugini na PNG Pawa i go long praivet kampani aninit long PPP.

Mista Polye i tok lo na polisi bilong PPP em i no long salim ol bisnis bilong gavman, tasol em long wok patna wantaim praivet sekta long apim invesmen na sanap strong logng mekim mani long givim sevis long kantri.

OI MP na Minista bai makim edministreta na dipatmen het

Stanley Nondol i raitim

OL gavman minista, open memba bilong Palamen na ol gavana bilong provins bai go pas long makim ol dipatmen het, distrik edministreta na ol provinsal edministreta aninit long nupela Publik Sevis Menesmen Ekt (PMSA) 2014.

Minista bilong publik sevis, Dokta Puka Temu, i tokaut olsem bikpela senis aninit long nupela PMSA Ekt em kamap bilong Ministeriel Eksekutiv Apoinmen Komiti (MEAC) we minista bilong Publik Sevis em i siaman.

Aninit long nupela PMSA Ekt, ol minista bilong wanwan dipatmen bai go pas long makim seketeri bilong dipatmen, menesing dairekta na sif eksekutiv opisa.

Ol open memba bai go pas long makim ol distrik edministreta na ol provinsal gavana bai go pas long makim provinsal edministreta.

Minista Temu i tok Publik Sevis Komisin na Sentrel Ejensi Kodineting Komiti bai no nap stap insait long makim bilong ol posisen olsem i stap aninit long bipo PMSA Ekt 1995.

Palamen i kamapim dispela nupela lo long Septemba 5, 2014 na spika bilong Palamen i oraitim long Septemba 19, 2014.

Minista Temu i tok dispela lo i wok nau stat long Oktoba 1 bihain long Gavana Jeneral na Gren Sif Sir Michael Ogio isainim Gejet notis.

gavana bai kisim tokorait-long MEAC na kisim go stret long NEC long makim provinsal edministreta na dipatmen het.

Ol open memba bai makim distrik edministreta na givim pepa long provinsal edministresen long stretim rekot.

Palamen i kamapim senis long PMSA Ekt bihain long plalnti komplek i kamap olsem ol dipatmen het, provinsal edministreta na distrik edministreta i no save wok gut wantaim ol memba na minista. Na em bin hat long ol politikel lida i mekim save long ol asua bilong ol bikos lo i no larim dispela.

Planti taim ol distrik edministreta na dipatmen seketeri i save wok long laik bilong ol yet na na no save wok pas wantaim ol memba,

na mekim wok bilong ol memba na minista i save go hat.

Nau ol gavana, open memba na minista i gat pawa long rausim ol dipatmen het na ol edministreta sapos ol i no mekim gut wok.

Ol publik sevan husat i risain long sanap long ileksen bai no nap kam bek na kisim wok bilong ol olsem bipo. Ol bai aplai long rot bilong applikesen taim posisen i kam aut long publik.

Aninit long nupela Ekt, krismas bilong pinis wok i go antap long 60. Bipo em i bin stap long 55.

Minista Temu i singaut long olgeta provinsal edministreta, dipatmen het na distrik edministreta long wok bung wantaim ol politikel lida long givim gutpela sevis long ol pipel bilong kantri.



Minista bilong publik sevis, Dokta Puka Temu

NCDC i strongim pablik helt lo

NESENEL Kapitel Distrik (NCDC) i stat long givim mekim save long ol lain husat eria bilong ol i no luk klin tumas olsem ol papa bilong ol stua na ol papa bilong haus.

Dispela em i namba wan objektiv o as tingting bilong "Premises Cleanlines" program we i bin stat long las wik.

Em i bin stat bihain long NCDC i kisim planti toktok oslem ol papa bilong ol stua na ol haus i no bihainim ol lo bilong helt long siti i mas stap klin na fran bilong ol stua na haus i mas no gat rabis.

Sif Helt Seveiya, Isowa More i tok strong long dispela tingting long taim ol i statim wok bilong

raun long sekim gut ol ples long siti long las wik.

Mista More i tok NCDC i gat bikpela wari long siti i no klin bikos ol pablik i no gat gutpela pasin bilong rausim pipia long ai bilong ol stua na haus bilong ol.

Em i tok, "lo i tok aninit long Pablik Helt Ekt (Senitesen na Jeneral) Sapta 226. Olsem na olgeta papa bilong stua na ol haus insait long siti i mas kisim tok lukaut long ol ples bilong ol i mas stap klin olgeta taim long fran na baksait wantaim.

Ol hap we helt inspekta i go lukluk raun pinis em Taurama Foodland, Malaoro, Visen Siti na ol hap klostu long Holiday inn Hotel. Olgeta narapela hap bi-

long siti tu bai kisim wankain lukluk raun klostu taim.

Senia Envaironmen na Helt Opisa Madrias Lega na Mathew Lava i tok ol i lukim olsem ol papa bilong stua na ol haus yet i les long klinim hap bilong ol.

Planti stua lain na ol propeti i kisim tok lukaut pinis long las wik long ol i mas klinim ples bilong ol. Ol i givim ol 14 de long bihainim tok save na sapos no gat bai ol i kisim mekim save aninit long lo.

Pablik Helt IEkt i tok olsem ol stua na haus long pablik i mas gat gutpela na nupela pen long ausait na ol sain bot i bagarap em ol i mas rausim na putim gutpela.



Ausait bilong wampela stua long Taurama Foodland.

Wes Nu Briten pait long kensa

Becky Marum i raitim

NAU Papua Niugini Kensa Faundesin i karim pait bilong kensa i go long Wes Nu Briten provins.

Ol i sanapim ol ten o haus sel na ol bikpela toksave bena long Kimbe taun na ol dispela hap i pulap tru long ol meri, mama na ol yangpela meri, husat i kamap long sekim sapos ol i gat sain bilong kensa o no gat.

WNB Gavana, Sasindran Muthuvel, i wokabaut nating i go long hap ol i wok long mekim ol tes wantaim memba bilong Talasea, Francis Marus husat i bin stap long provins las wik long miting bilong Momase na Niugini Ailan Rijonal Tresa Konpres.

Gavana Muthuvel i mekim luksave long PNG Kensa Faundesin long tingim Wes Nu Briten olsem wampela provins bilong traim program bilong ol long kamapim awenes o luksave bilong sik kensa bilong ol meri na long wokim ol tes na sekim binatang bilong kensa. PNGCF i bin holim dispela kain awenes bung long Alotau na Pot Mosbi tasol.

Mista Muthuvel i laikim ol mama na ol yangpela meri long provins i



Wampela meri go sekim kensa long maus.

mas kisim dispela sans long go sekap long haus sik hariap taim ol i lukim senis long bodi bilong ol.

"Em i gutpela moa long stopim sik pastaim long em i kisim yu, olsem na olgeta wanwan meri i mas tingting laip bilong ol yet na mekim samting long stap helti bikos stap helti em i olsem mani bilong yu," Mista Muthuvel i tok.

Gavana Muthuvel i tok tenkyu tu long Pacific MMI na WNB Provin-sel Helt Atoriti long bung wantaim em insait long patnasip wantaim

PNG Kensa Faundesin Awenes na fri kensa skrin long Kimbe.

Skrin o tes program i lukluk long fri susu na maus kensa skrin na kirapim tingting long sevaikel kensa privensen na long luksave hariap. Awenes tim i kisim dispela taim long wokim sevei long luksave klia long wok bilong awenes bilong kensa i stap long wanem kain mak stret long PNG nau.

"Edukesen, awenes na privensen em i namba wan toksave long dispela kempein. I gat trupela



Ol mama na yangpela meri i kamap long skrinim o sekim ol kensa long bodi bilong ol.

save i stap olsem smok tapak, kaikai buai na dring bia i save kamapim kain kain kensa olsem maus kensa, susu kensa na se-vaikel kens," Sif Eksekutiv Opisa bilong PNGCF, Dadi Toka Jnr. i tok.

Em i tok tenkyu long olgeta sponsa na sapota olsem WNB Provin-sel Edministresen, City Pharmacy Limited, Colgate, Nu Briten Palm Oil Limited na NBC Wes Nu Briten.

Mista Toka i tok tenkyu tu long ol mama na ol yangpela meri husat i

bin kamap long harim toktok na i go sekim bodi bilong ol.

"Yupela husat i no bin inap long kisim tes bikos taim i pinis, plis no ken bel hevi. I no bin gat gutpela toksave olsem na ol meri i no bin kamap long sekap pastaim," em i tok.

Em i tok long ol husat i no bin kisim sekap long ol i ken putim nem bilong ol long kamap wampela bilong ol 200 meri husat bai kisim sekap long Pak bilong Gigo Klinik dispela wik.

Basamuk pipel kisim sik misel banis sut sevis

MOA LONG 900 liklik pikinini na ol bebi i go inap 7-pela krismas long Basamuk eria bilong Raikos distrik, Madang Provins i kisim fri medikol sevis na tu, sut marasin long banisim sik misels.

Nikel-kobalt divelopa long Madang provins, Ramu NiCo medikol tim long Basamuk Rifaineri i go aut long givim fri medikol sevis, na givim sut-marasin long banisim sik misels i go bikpela long Basamuk eria.

Aninit long fri komyuniti helt sevis bilong Ramu NiCo, ol i wokim volantia medikol sevis long dispela mun i go long ol viles na haus-lain klostu long Basamuk eria, stat long Septemba 22 i go Oktoba 2. Ol i

mekim dispela long lukim ol pikinini i no ken kisim sik misels na stap long gutpela laipstail.

Kampani i kisim ripot long klinik na em i luksave olsem sik misels i kamap bikpela long ol sampela ples insait long Basamuk eria long mun Julai.

Olsem na dispela i wokim Basamuk Rifaineri Helt suprintenden, Dokta Meng Ming na nesing opisa Paul Konare long hariap tasol i go aut long givim fri medikol sevis long komyuniti insait long ol ples olsem Mindre, Saren, Bobidik, Jangak, Ganglau, Tugiak, Dubal, Buf, Balau, Sipoldi na Mingming.

Mista Konare i tok ol sut marasin ol i givim i bihainim krismas bilong

ol pikinini na ol i givim long maket stret long helpim long daunim sik misels long go bikpela insait long eria we i stap longwe tru long taun na ol helt klinik.

Samting olsem 943 pikinini krismas bilong ol i aninit long 7 yia i bin kisim banis sut, na 124 mama husat i kamap long klinik tu ol i bin kisim banis marasin.

Mista Konare i tok planti taim ol dispela lain pipel i no save kisim gutpela medikol sevis bilong gavman na hevi save bungim ol. Ramu NiCo i luksave long dispela na i go aut long ol wan wan ples long givim fri medikol sevises na helpim tu long givim sut-marasin long daunim sik misels.



Ramu NiCo nes opisa long Basamuk, Pau Konare i givim sut-marasin bilong misels long wampela pikinini long Ganglau ples klostu long Basamuk, Raikos distrik long Madang.

"Mi makim maus bilong medikol tim long givim bikpela tok tenkyu i go long Ramu NiCo Menesmen long gutpela sapot na tu trenspot

long helpim mipela bringim dispela bikpela helt ekstensen sevises i go long ol pikinini na manmeri long ples," Paul Konare i tok.

Tupela meri ami pasaut long Igam ami trening

Bustin Anzu i raitim

TUPELA meri i kamap opisa bihain long ol i pinisim trening long PNGDF Difens Akademi long Igam Barracks, Lae insait long Morobe Provins.

Tupela meri ami em Opisa Kedet Jacinta Moiya na Mileona Saroa. Tupela i bin stap namel long narapela 14 man ami husat i bin greduet long las wik bihain long 18 mun trening.

Riviuing Opisa na Gavana Jeneral bilong Papua Niugini, Sir Michael Ogio, i amamas long tupela meri i stap wantaim ol man long kamap ol ami meri.

Sir Michael i tok dispela em i namba wan taim bilong meri i kisim dispela kain luksave.

"Mi amamas long lukim tupela meri i stap namel long ol man long kamap olsem meri opisa. Dispela em wanpela nupela hap eria em tupela i go insait long trening wantaim ol man," Sir Michael i tok long dispela pas aut pareid.

Defens Minista, Fabian Fok na Morobe Gavana, Kelly Naru i witnesim dispela bung bilong ol ami.

Sir Michael i tok long taim bilong kamapim na strongim wok



Opisa kedet Jacinta Moiya na Mileona Saroa husat i greduet long kos wantaim Ledi Esmie, meri bilong Gavana Jenerel, Gren Sif Sir Michael Ogio husat i bin opisel na kinor spika long greduesen.

Poto: Gavana Jenerel Midia

fos, meri i mas stap insait long dispela.

Em i tok tu olsem long kamapimkamapim gutpela kantri, ol mas kamapim human risos o wokman meri, husait bai mekim kamap ol samting. Dispela em wanpela bikpela samting we i wok kong skel na

ol mas kamapim strong long dispela.

Ol dispela opisa i mekim trening long 6-pela mun olgeta na nau ol i pinis na long wankain taim tu, ol i kisim ol posting bilong ol.

Nesenel Gavman i wok long rikrutim ol yangpela man na

meri long kantri long disiplin fos. Em long polis, ami na woda wantaim long kamapim namba bek.

Nau yet namba bilong ol wokman meri long tripela disiplin fos i sot na dispela tingting bilong gavman bai kamapim gen namba bilong ol gen.

BSP Sanap baksait long 2014 Mis Saut Pasifik

MIS Saut Pasifik Pageant PNG (MSPP PNG) em i wanpela non-profit ogenaesen we i save laik strongim ol Papua Niugini meri long bringim senis long ol komyuniti bilong ol, kantri na long Pasifik rijon.

Long olgeta tupela yia, MSPP PNG i save holim wanpela pareid long putim hat bilong kwin long wanpela meri husat i makim kalsa bilong PNG isait long resis bilong Mis Saut Pasifik Pageant. Wantaim MSPP PNG, olgeta mani wan wan meri husat i resis i kamapim bai i go long sapotim wanpela Skolasip Fan bilong ol Gel na sapotim ol meri husat i wok long stadi long ol teseri institusen long PNG.

MSPP PNG em i wanpela impoten samting olsem na Bank South Pacific (BSP) i kamap olsem Brons Sponsa bilong 2014 MSPP PNG.

Rosemary Mawe, Menesa bilong Kopret Sponsasip long benk i givim sek i go long Christine Aiwa, husat i kisim namba 2 ples long resis bilong 2012 Mis Saut Pasifik PNG Pageant na em i bin go insait tu long 2013 Mis Saut Pasifik Pageant long Honiara, Solomon Ailans.

Mawe i tok, "BSP i amamas long sapotim MSPP PNG, bikos dispela samting i save strongim na kamapim moa ol tumbuna pasin bilong Papua Niugini sosaiti, na long wankain taim em i mekim wei bilong ol Papua Niugini meri long kisim ol wok olsem hetmeri bilong wok long turis na treid."

"Mipela kisim dispela taim long mekim gutpela toktok long ol meri husat i resis na



Rosemary Mawe, Menesa bilong Kopret Sponsasip long benk i givim sek i go long Christine Aiwa.

long nait bilong kisim hat bilong kwin (kraun) mipela bilip wanpela smatpela meri bai kisim," em i tok.

Kathy Johnston, namba tu siameri bilong MSPP PNG komiti i tok tenkyu long BSP long sapot bilong en.

"Wok rere bilong ol 6-pela meri long resis i wok long kamap gut n alas nait bi-

long resis bai kamap long 18 Oktoba long nait, insait long Crown Plaza Ballroom," Mis Johnston i tok.

"Mipela i gat bikpela amamas olsem BSP em i kamap bikpela Sponsa bilong mipela long dispela yia, na mipela i lukluk long strongim dispela wok patnasip i go moa long bihain taim," em i tok.



Yut, Meri na Famili

Pastor Barbara Lunge

Kristen lida em i kaunsela bilong ol tarangu

YU gat wanem kain wok olsem lida insait long komyuniti bilong yu long lukautim ol lain husat sosaiti o famili i les long ol.

Pasin bilong lusim pikinini nating i wok long go bikpela o i wok long go daun? Papua Niugini i wok long kamapim ol gutpela heliti pipel o ol lain i no save mekim wanpela gutpela wok? Yumi bai wokim wanem long daunim dispela pasin na Imekim ol PNG pipel i kamap gut? Yu save pilim pen na wari tu long wanem kain hevi ol i save bungim o no gat?

"Dispela De bilong mi em i bikpela De na bai mi mekim olgeta manmeri i pret nogut tru. Tasol pastaim bai mi salim profet Elaija i kam long yupela na bihain dispela De bai i kamap. Na bai em i mekim ol papa na ol pikinini i kamap wanbel, na bai mi no ken bagarapim kantri bilong yupela." Malakai 4:5-6

Planti yangpela i painim hevi bikos ol mama na papa bilong ol i les long ol. Sampela em taim mama i karim ol, papa o mama i les na lusim ol i go. Sampela em ol i stap long bel yet na papa o mama i les long ol. Sampela em narapela lain i stilim ol o adaptim na sampela em papa na mama i bruk marit na lusim ol pikinini nating. Sampela em ol man i les nating na as bilong belhevi em yumi no save. Ol dispela pikinini i gat rait long ol bikpela lain i mas lukautim ol inap ol i kamap heliti, strong na kisim save long stap laip ol yet. God i putim gutpela samting insait long ol taim em i bin kamapim ol. Belhat bilong God nau i stap long Papua Niugini long ol lain husat i les long ol pikinini na bagarapim ol long ai bilong God na man bilong graun.

I gat rot i stap long bringim ol dispela kain lain i go bek long man husat i mekim ol, em God tasol. *"Tasol sampela manmeri i kisim em, em ol lain i bilip long nem bilong em. Na em i givim namba long ol bai ol i ken kamap pikinini bilong God. Ol i no kamap pikinini bilong God long blut bilong papamama, o long laik bilong bodi, o long laikim bilong man, Nogat. God yet i mekim ol i kamap pikinini bilong em." Jon 1:12-13, "Olsem na 'Olgeta manmeri i askim Bikpela long helpim ol, em bai i kisim bek ol." Romans 10: 13*

Wanem kain pasin yu save lukim long ol pipel olgeta de? I gat planti longlong pasin bai yu lukim long ol komyuniti bilong yumi na long wol tude. Ol dispela lain i no save kisim gutpela tok stia taim ol i liklik olsem na ol i opim laip bilong ol long satan, birua bilong man. Sampela pikinini i kamapim belhat, hat long lusim rong, pret na i no gat gutpela tingting long ol yet, ol i dring tumas na kisim spak brus o drag, rait nating long ol banis bilong ol haus o pablik ples, kamap stilman na planti moa pasin no gut.

Ol wokman bilong God i gat tok bilong God i mas go aut na helpim ol dispela pipel olsem Bikpela yet ii toktok long Luk 4:18-19. Pawa na presens bilong God yu kisim nating long God na yu mas givim nating long ol narapela.

Wok bilong yu em olsem wanpela kaunsela wantaim Tok bilong God na olsem komyuniti lida, yu mas kisim tok salens na helpim ol dispela tarangu lain long inapim tru driman bilong ol. Sampela we yu ken helpim ol em: Yu ken tokim ol long tanim bel na pre long ol na tu yu ken lusim kaikai na pre na ol i ken senisim pasin na tingting bilong ol. Na tu yu ken kamapim program bilong bringim wanbel namel long ol tarangu lain wantaim ol lain i mekim rong long ol. Yu ken kamapim wanpela ministri bilong helpim ol dispela lain bel i bruk na laip i bagrapap na bihain God bai yusim ol long las de wok.

Toksave: Ol mama i gat wari, tingting planti, bel hevi yu mas kontekim mi na bai mi helpim yu. Kisim mi long dispela adres na fon namba. Barbara Lunge, ROGIM, P.O. Box 3063. Boroko. NCD. PNG, o ring long 70995378 o salim email long: lungeb37@gmail.com

Famili i namba wan ples long lainim prea laip

"FAMILI i namba wan ples we ol manmeri i save long Bikman na tu, lainim long save long sios, Bisop Arnold Orowae i tok taim em i givim ripot bung em long bikpela famili bung bilong ol Katolik Sios lida long Rom long dispela wik.

Bisop Arnold bilong Wabag Daiosis i presiden bilong Konpres bilong ol Katolik Bisop bilong PNG na Solomon Ailan i makim Katolik Sios bilong PNG na Solomon Ailan insait long famili sinod o bung i kamap long Rom nau yet.

Bisop Arnold i tok tude, planti famili i wok long bungim ol hevi na salens we ol i mas abrusim long bildim ol helti famili.

Em i tok famili em ples we ol i toktok, glasim na skelim ol samting na sios i amamas long ol planti Katolik family husat i bilip long ol Gospel velyu, bihainim famili laip, skelim ol pikinini bilong ol na givim gutpela piksa we ol narapela famili i ken lukim na bihainim.

Em i tok Pop Francis i bin kirapim strong tingting bilong ol famili long go bek log Baibel, ritim Gutnius wantaim ol pikinini long ol haus bilong ol na insait log ol Besik Kristen Komyuniti (BCC), pre long en na makim olsem hap long famili laip bilong ol olgeta de.

Long tude tu, sios i lukim olsem famili em i namba wan ples we wok ivanjelaisesen i stat.



FAMILI I BUNGIM BIKPELA SALENS: Bisop Arnold Orowae i givim ripot bilong em long Famili Sinod konpres long Rom. *Poto: Vatican Radio*

Madang lonsim Wantok Redio Lait 105.9 FM

James G. Kila i raitim

WANTOK Redio Lait, em Kristen redio stesen long 105.9 FM bai lonsim trensmisen bilong en long Madang provins wantaim dedikesen na tu, lukim 2014 lonsing bilong Wantok Redio Lait Serathon.

Dispela lonsing long Madang i bin kamap long las wik Sarere, Oktoba 11, 2014 long Madang Hotel wantaim bikpela sapot i kam long Madang Ministas Fraternal, em bodi bilong ol Kristen sios insait long Madang taun.

Wantok Redio Lait 2014 Serathan lonsing em i bikpela fan resing bilong helpim ranim dispela ministri bilong Kristen redio stesen we i save kamap long olgeta yia.

Pastor Joe Pinau i bin toktok long NBC Redio Madang, we i sapotim tu Wantok Redio Lait long fan-resing bilong ol.

Em i tok Wantok Redio Lait i gat rispek long olgeta Kristen Sios long PNG, na i sapotim wok bilong serim Tok bilong Krai long olgeta Kristen manmeri long kantri.

Long Mande apinun Pastor Joe wantaim tupela memba bilong Madang Ministas Fraternal i bin givim toktok long redio long ol Kristen manmeri bilong Madang na salim invitesen tu long ol i kam bung long lukim lonsing, na tu stap insait long bikpela lotu konpres ol i kolim Hop Konpres we i stat long Tunde na bai pinis tude.

Pastor Joe i tok olsem as-tingting bilong kamapim Wantok Redio Lait em long serim lav bilong Jesus Krai wantaim olgeta Kristen manmeri long PNG.

"Mipela ol Kristen manmeri i gat kain kain wei long liptimipim nem bilong Bikpela Jisas Krai, tasol insait long Wantok Redio Lait, as tingting bilong mipela em long serim laik bilong Jisas Krai wantaim olgeta manmeri," Pastor Joe i tok.

"Jisas i goaut long olgeta lain, olsem na wantaim Redio Lait, mipela bai goaut long olgeta lain manmeri long mekim ol i amamas na pulap wantaim amamas na serim lav bilong Krai," em i tok.

Pastor Joe i tok olsem Wantok Redio Lait 105.9 FM nau i mekim trensmisen bilong em pinis long Madang, tasol seremoni long Sarere bai lukim opisel dedikesen bilong en wantaim lonsing bilong 2014 Serathon.

Bukings long 2014 Serathon em K200 long wan wan man o meri, K2000 long Sios tebol na Koporet tebol em K3000 bilong 10-pela lain i sindaun.

Pasto Francis i felosip wantaim ol Wantok

OL WOK manmeri bilong Wantok Niuspepa i bin serim Mande apinun divosen o pre sering taim wantaim Pasto Francis Wanur bilong Foskwea Gospel Laithaus Ministris long Madang.

Pasto Francis i mekim wok bilong Bikman long 40 krismas nau, stat long yangpela bilong em yet.

Em i bin kam bek tasol long wanpela bung long Sidney, Australia we ol Foskwea pasto na lida bilong Gospel Laithaus Ministri i bin selebretim 50 yi anivesari bilong tupela misinari i bin wok long PNG. Em long Graham na Irene Baker.

Bikpela toktok we Pasto Francis i bin serim wantaim ol Wantok Niuspepa wok manmeri em long Psalm

Sapta 127, Ves 1.

Dispela hap Baibel ves i tokim yumi olsem sapos Bikpela i no stap wantaim yumi, bai yumi hatwok nating. Olsem na yumi mas putim Bikpela pastaim insait long laip bilong yumi long olgeta samting yumi wokim na yumi bai lukim gutpela kaikai na ol blesing.

Dispela em i namba wan taim wanpela ges pasto i bin stap wantaim ol Wantok woklain long felosip ol i save wokim long olgeta Mande apinun, na ol i bin amamas long sering na ol gutpela stiatok bilong em.

Dispela kain pre sering i gutpela long givim strong na gutpela tingting long ol woklain na ol i ken mekim gut wok.



Word Pablising kampani Jenerel Menesa, Elizabeth Konga, i prisenim liklik gif i go long Pasto Francis.

Ol Wantok Niuspepa woklain wantaim Pasto Francis bihain long felosip insait long opis bilong ol long Waigani Able Computing bilding. *Ol Poto: Yakam Kelo*



Silva Jubili

LONG Septemba 28, 2014, mi wantaim manmeri bilong Santu Michael Peris bilong Hanuabada i bin selebretim Silva Jubili bilong mi, 25-pela yia mi mekim wok olsem Pater.

Na long dispela 25 yia, mi wok insait long kantri Papua Niugini.

Mipela 12-pela long lain SVD husat i bin kisim Ordo long wankain taim. Wanpela i lusim wok pater pinis, na 11-pela i stap pater yet. Na long dispea yia, olgeta i selebretim silva jubili long wok ples bilong ol wan wan. Tupela wanklas bilong mi i wok long Philipinnes na narapela i wok long Indonesia.

Em i wanpela bikpela de stret. Trupela de bilong jubili bilong mi i kamap long de 29 Septemba 2014. Long 25 yia i go pinis, mi bin kisim Sakramen bilong Ordinesen long kamap Pater long han bilong Bisop Darius Nggawa SVD, insait long St. Michael Sios long ples bilong mi, Lewotala, Flores Ailan long Indonesia.

Na 25-pela yia bihain, mi selebretim silva jubili Misa insait long St. Michael Sios long Hanuabada. Preisim God!

Plantu wantok na pren bilong mi i bin kam na serim amamas wantaim mi na ol manmeri bilong Hanuabada long de bilong jubili. Olgeta i amamas long naispela lotu i bin kamap, naispela kwaia i singim ol naispela song tru. i gat singsing long tok ples Bahasa Indonesia, Motu, Latin na Inglis. Musik na singsing i kamap naispela tru bikos ol i bin prektis plantu taim, stat long mun Me yet.

Bikpela selebresen i bin kamap naispela bikos plantu manmeri i bin putim han wantaim, wok bung wantaim gut tru, na ol i ken lukim kaikai long hatwok bilong ol.

Olsem na long taim Teckla Saya Gungga bilong EMTV i bin intevium mi bihain long Misa, wanpela askim em i bin askim mi em....bilong wanem yu laik wok yet long Papua Niugini? Bilong wanem yu inap long mekim bikpela wok na bikpela senis olsem long St. Peter Chanel Erima na nau long St. Michael Peris Hanuabada?

Mi bin bekim em; bikos mi save stat wantaim wei bilong mi. Pastaim mi mas luk-save gut long ol pipel na stap klostu wantaim ol olgeta taim. Mi no inap wokim samting sapos mi no save gut long ol manmeri bilong ples. Bikos mi save go lukim ol na stap klostu wantaim ol na save long situesen bilong ol, na mi mas mekim wok long bekim wanem samting ol manmeri i nidim long em. Mi no inap givim o mekim wok senis long ol manmeri i no laikim. Sapos mi mekim olsem, wok bilong mi bai popaia nating".

Namba wan rot mi save yusim long olgeta peris mi bin wok long en; "Mi wokabaut plantu i go lukim na sindaun stori wantaim ol. Lainim gut situesen bilong ol, na bihain mi stat long wokim plen".

Tasol i gat sampela manmeri i no save amamas long wok senis mi wokim. Tasol mi mas tingim olgeta taim; "Mi no inap mekim olgeta manmeri i amamas. i no olgeta manmeri bai amamas long wok bilong mi". Tasol mi bai go het. Kaikai bilong hatwok bilong mi ol i save lukim bihain taim.

Mi no save tokaut long mi yet olsem mi bin wokim dispela wok. Plantu taim ol manmeri tasol i tokim mi olsem mi bin wokim wok olsem na olsem. Long dispela taim, ai bilong mi i op olsem mi bin mekim sampela bikpela wok pinis.

25-yia i go pinis. Wok Pater bilong mi bai go het yet long narapela 25 yia i kam na moa.

PNG i nidim wanpela bikpela speselis haus sik long kantri

O pipel bilong yumi tude i amamas long kain kain samting i mekim laip bilong ol i kamap gut. Ol famili i gat mani, ol pikinini i go skul, i gat rot na transpot long lukim ol arapela hap bilong kantri o ol ovasis kantri.

Bikpela senis i kamap insait long kantri klostu 40 yia nau bihain long independens. I tru olsem sampela ples longwe i painim taim yet, tasol moa pipel i ken tok olsem i gat planti gutpela senis i kamap na helpim sindaun bilong ol.

Dispela naispela laip bilong tude i mekim populesen bilong kantri i sut i go antap. I gat moa pikinini i kamap na ples i pulap long ol manmeri.

Ol skul i pulap tru long ol pikinini, ol haus sik i pulap long ol sikmanmeri, tasol yumi sot tru long ol gutpela tisa, dokta na ol kwaliti skul na haus sik.

I gat kain kain sik i kamap na ol pipel bilong yumi i wok long kisim taim. Ol haus sik bilong yumi tude i sot long ol speselis dokta o ol ikwipmen bilong sekap long sikman na helpim em.

PNG i gat wanpela speselis haus sik bilong sik kensa long Lae, tasol i no gat inap speselis dokta na nes na ol teknisen bilong lukautim ol masin.

Sapos masin i bagarap o i no gat dokta o nes bai ol sikman i mas go bek long ples na wet bikos i no gat inap spes tu long dispela haus sik.

Nogat speselis long sekim em..



Bikpela moni lus nating long salim em i go ovasis.. Em bai dai yet...



Jada 014

Wankain stori tu i stap long ol arapela bikpela sik. Planti famili i save hatwok tru long painim mani na kisim sikman i go long ol ovasis haus sik long Australia, Singa-

pore, Filipins na India bikos PNG i no gat dokta o masin bilong helpim sikman. Tasol PNG i gat ol gutpela speselis doka bilong yumi i save hatwok olgeta de long lukautim ol

long helpim kantri i kamapim ol gutpela dokta.

Long bikpela kibung bilong ol dokta, ol i bin askim gavman long luksave long dispela hevi na givim

sikmanmeri.

Planti taim gavman i no luksave long ol na traim helpim ol. Ol i nidim moa wod bilong lukautim sikman, moa nes long helpim ol, ol nupela masin na gutpela ples bilong wok long helpim ol sikmanmeri.

Bikpela haus sik bilong kantri, Pot Mosbi Jeneral Haus sik i no gat inap spes moa long kisim moa sikmanmeri husat i nidim speselis dokta.

Ol provinsal haus sik i gat planti hevi bilong ol yet na i no inap long lukautim sikman.

Na i mas gat sapat i go tu long givim trening long ol studen husat i skul long kamap dokta. Medikel Fekelti bilong UPNG long Taurama i nidim moa spes na ol tisa

han long trening bilong ol dokta.

Ating nau em i taim bilong PNG yet i sanapim wanpela bikpela haus sik we inap long givim wankain sevis ol arapela bikpela haus sik long wol i save givim long ol sikman.

PNG i gat mani long tromoi long helpim ol Pasifik kantri, na sanapim ol bikpela spot stedium, ol bikpela rot na haus bilong kibung, orait watpo bai gavman i no inap putim kain mani olsem long sanapim wanpela haus sik bilong lukautim ol pipel bilong kantri?

Tude PNG i nidim haus sik we sikman i ken kisim tritmen o operesen long helpim em i kamap orait. I gat ol volantia dokta na nes bilong Australia i save kam wokim operesen bilong lewa long ol sik pikinini long olgeta yia.

Ol dispela ovasis dokta na nes i helpim tu long skulim ol dokta na nes bilong PNG long taim ol i kam helpim ol sikman. Tasol PNG i mas luksave na kirapim wok bilong helpim ol sikmanmeri na pikinini long kantri.

I gat kain kain sik i wok long kamap na kilim ol pipel. Helt na laip i bikpela samting.

I gat bikpela mani i kam insait long kantri nau long LNG na gavman i mas yusim sampela bilong dispela mani long sanapim wanpela wol klas haus sik bilong ol pipel.

Watpo bai ol pipel bilong yumi hatwok long painim mani long go lukim ol speselis dokta ovasis na gavman i no mekim wanpela

Sutim tok go kam long korapsen em i gutpela

PRAIM Minsta Peter O'Neill wantaim Oposisen lida Belden Namah i wok long sutim tok i go kam long narapela long sait bilong korapsen insait long kantri. Korapsen em pasin bilong stil, paulim samting, hait na mekim samting na planti arapela paul pasin insait long opis bilong gavman.

Mista O'Neill i sutim tok long Ombudsmen Komisin i mas sekim gut rekot bilong Mista Namah long em i kisim K50 milien we long sapatim ol kendidet na pati bilong em long 2012 nesanel ileksen.

Mista Namah i sutim tok long Task Fos Swip tim wantaim polis i mas sekim gut rekot bilong Fainens sapos Mista O'Neill i bin oraitim sampela bikpela milien kina mani long kam aut olsem peimen bilong wanpela loya kampani.

Tupela i sutim pinga i go kam long narapela narapela long tok olsem dispela em korapsen pasin narapela i mekim, na wok painimaut i mas kamap na soim klia



rekot na evidens na kot i mas sasim husat i brukim lo.

Taim yumi wok long toktok moa yet long pasin korapsen insait long kantri, planti bikpela korapsen pasin i bin kamap pinis long ol bikpela gavman opis olsem long Nesenel Lens Dipatmen. Planti giaman pepa i kamap pinis long givim graun i go long ol narapela lain o peimen bilong graun i go pinis long han bilong ol arapela lain na papagraun tru i no gat.

Em ol bikpela korapsen pasin long paulim na stilim graun insait long kantri na nau yumi harim planti papagraun i wok long kros na pairap stap. Em ol opisa bilong Lens i mekim korap pasin na givim graun i go we i brukim sistem na rot bilong givim graun. Korapsen em yumi save pinis olsem dispela gavman opisa i mas kismi bikpela mani tru long

hait na paulim pepa na givim taitel bilong graun i go long arapela lain.

Opis bilong Sitisen na Imigresen aninit long Dipatmen bilong Foren Afeas tu i gat pasin korapsen stap. Planti ausait lain i kam long ovasis i no gat stretpela paspot o visa pepa bilong kam long PNG na stap longpela taim. Ol i kam na mekim bisnis na bihain polis i hatwok long sekim na holim sasim ol. Moa ovasis lain i wok long kam yet long ol giaman pepa nabaut na bihain polis holim ol na kot sasim ol. Opis bilong Sitisen na Imigresen i mekim dispela samting olsem na pasin korapsen i kamap long hia. Yu tingim amas mani tru dispela opisa i kisim pinis long oraitim pepa bilong kain ovasis man o meri i kam long PNG?

Yumi ritim pinis stori bilong Fainens Dipatmen i save givim peimen bilong ol papagraun long Mosbi we ol kam pulap raunim opis i stap. Ol i mas kisim sampela kain sait mani long pusim peimen bi-

long ol papagraun i go hariap long bos i sainim na givim mani bilong ol.

Kainkain korapsen long sait bilong kisim mani, kisim graun, tekova long bisnis bilong arapela lain, kisim wok, kisim spes long skul, hait na karim kago kam long balus na sip o pmv, paulim meri na planti arapela moa korapsen pasin na stail bilong en.

Gavman bin statim pinis wanpela opis ol kolim Task Fos Swip Tim long sekim na autim ol rekot na kotim ol lain insait long pasin korapsen. Tasol taim dispela Tas Fos tim i laik sekim wok na rekot bilong ol lida bilong kantri, ol lida i tanim bek na i laik bagarapim wok bilong ol.

Yumi gat Ombudsmen Komisin na taim ol i laik sekim wok na rekot bilong ol lida, ol bai tanim na egensim ol.

Nau gavman laik kamapim wanpela opis ol kolim Independen Komisin Agens Korapsen (ICAC). Moabeta gavman i no ken traim long komplek na stopim wok bilong ICAC sapat ICAC laik sekim wok bilong lida.



Published Weekly, Thursday, for Word Publishing Company, Ltd. P.O. Box 1982, Boroko, NCD Papua New Guinea Telephone: (675) 325 2500 Fax: (675) 325 2579 Email: editorial@wantok.com.pg

Pe bilong wanpela yia Websait: www.wantokniuspepa.com Pe bilong wanpela yia, 52 niuspepa

PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager Elizabeth Konga Editor Veronica Hatutasi

Published at Able Building Complex, Sec 58 Lot 02, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.

Wol nius long poto...



Ebola i bikpela tru long Afrika:

Wanpela helt wokman bilong Wol Helt Ogenaisesen (WHO) i wok long sekim ol sempol bilong ol manmeri long Wes Afrika we ol i saspek long ol i gat sik Ebola. Ol Ripot long WHO i tok olsem sik Ebola i wok long strong tru long Wes Afrika, na long pinis bilong dispela yia, 10, 000 manmeri long Wes Afrika bai gat dispela sik no gut. Ol ripot bilong WHO i tok olsem moa long 4,000 manmeri i wok long dai long Sierra Leonie, Liberia na Guinea. Olgeta dispela kantri i stap long Wes Afrika.

Source: ABC Websait www.abc.net.au



Ais kilim man

Ol treka i wok long krosim Thorang La pas, wanpela hap long Annapurna seket we planti lain i save bihainim long notwes Nepal. Hevi snou o ais i pundaun long Annapurna Trek long kantri Nepal i kilim 4-pela na moa long 100 i lus yet, ol ripot i tok.

Bikpela ais ren long ol Maunten bilong Himalaya rijon long Sentrel Nepal i as bilong dispela birua. Ol ripot i to ais i pundaun i go antap long 91 sentimita. Long ol dispela i dai, tupela treka i bilong Polan na wanpela i bilong Israel. Ais i karamapim wanpela bilong Nepal na i dai i stap insait long ais.

Ol i bin sevim 13-pela treka bihain long weda i klia liklik aste tasol 152 forena turis i lus kontek long Mustang Distrik, Nepal.

Poto: ABC



Famili dai long Ebola na helt wokmeri i lukautim bebi bilong famili:

Wanpela helt wokmeri long Wes Afrika i lukautim wanpela liklik bebi we olgeta famili bilong em i dai long sik Ebola. Nem bilong dispela helt wok meri em Mush Tiah na em i save wok long wanpela taun namel long Liberia na Guinea we ol i save kolim Kailahun. Moa long 1000 manmeri long dispela taun i dai pinis long sik Ebola.



Kot disisen tok Bebi Ferouz i no nidim proteksen visa

Federal Kot Jas, Justice Michael Jarrett long Brisbane Federel Kot aste apinun i bin givim disisen bilong em bihainim salens we i tok bebi we ol asailam sika i karim i gat wankain status olsem ol papamama bilong ol olsem ol i iligel lain. Ferouz Myuddin i gat 11-pela mun na em i stap wantaim papamama bilong em long Darwin Asailam Sika Ditensen Senta long Australia. Ol i bilong kantri Myanmar. Em i no taim yet bilong karim na mama i bin karim em long Brisben Mater Haus sik long Novemba 2013 taim ol i bin transferim mama bilong em i kam long Nauru Asailam Sika Ditensen Senta.

Imigresen Minista bilong Australia, Scott Morrison i no givim proteksen visa bikos em i tok rot i no stretpela long em i kam insait long Australia.

Ol loya bilong bebi i bin salensim Federel Kot ruling o disisen, tasol Jastis Michael Jarrett i bin rausim long Brisben Kot aste. I kam inap nau, sanap bilong ol gavman long Australia em ol pikinini we ol refuji i karim i gat wankain status olsem ol papamama.

Bebi Ferouz i wanpela long ol 100 bebi ol asailam sika mama i karim ol long graun bilong Australia taim ol i kamap long hap long bot o sip. Maurice Blackburn Loya i bin makim keis bilong bebi Ferouz long kot.

Long wanpela stetmen, Mista Morrison long aste apinun i tok em i welkamim disisen bilong Federel Seket Kot.

Famili bilong bebi Ferouz i no amamas long disisen bilong kot na ol bai go het long painim rot long bebi Ferouz i ken kisim gutpela dil long keis bilong em.

Poto: ABC

Selebretim musik na danis long Madang konprens

Dokta Don Niles, Institute of Papua New Guinea Studies

MUSIK na danis, maski em i tumbuna o bilong nau, i bikpela samting long laip na stap bilong ol pipel long PNG.

Institut ov PNG Stadis (IPNGS) i wanpela ogenaisesen i mekim wok long lukautim ol kalsa, musik, singsing na danis bilong tumbuna i no ken dai, na ol pikinini bilong tumora I ken lainim, lukim na amamasim.

Madang i bin lukautim wanpela konprens o bung long Septemba 17-19, we tupela grup i gat intres long kalsa long PNG i bin stap long en.

Tupela ogenaisesen em long, The Linguistic Society of Papua New Guinea, we i bin holim konprens long het tok i go olsem, "Celebrating Tok Pisin and Tok Ples." O selebretim Tok Pisin na Tokples na narapela grup em "International Council for Traditional Music's Study Group on Music and Dance in Oceania" i bin holim namba 8 bung long het tok ol i bin ran long en, "Celebrating Innovation and Continuity."

Divain Wod Yunivesiti (DWU) i bin ogenaisem dispela konprens na i bin lukautim bung bilong namba wan de. Narapela tupela konprens i bin kamap long Konprens Senta long Alexishafen ausait long Madang Taun.

Long tripela de bung, ol i bin prisening 32 pepa.

Ol lain i bin stap long konprens i bin kam long DWU, Institut ov PNG Studis, Pioneer Bible Translators, Summer Institute of Linguistics, Yunivesiti ov Goroka, Yunivesit ov PNG, na ol lain i kam long ol institusen ovasis long Australia, Germani, Nu Silan na Amerika.

Planti woklain na ol sumatin i bin laik stap long konprens, tasol ol no bin nap bikos long dispels taim, i bin gat rotblok long Hailans Haiwe.

Profesa Alexandra Aikehvald long Cairns Institute, James Cook University, i bin givim kinot edres long linguistics (tokples) na musik konprens.

Long lengus em bin toktok long ol tokples i planti na narakain, na long sait bilong musik, em i bin toktok long ol straksa bilong ol Manambu singsing bilong Is Sepik.

Ol i bin kirapim Linguistics Society of Papua New Guinea long Yunivesiti bilong PNG long yia 1967.

Long bihainim ol het tok bilong konprens log dispela yia, ol narapela prisentesen i bin lukluk long ol kain tokples olsem Enga, Gadsup, Kuanua, Kove, Yopno, Eibela, and Mussau, na tupela tokples long Iowia Ramu.

Ol narapela presenta i bin toktok long Tok Pisin o dispela we ol Geman lain i bin yusim log Rabaul eria.

Sampela presenta i bin toktok long bai lingual edukesen o long yusim tupela tokples long ol skul. Konprens i bin harim planti toktok olsem ol pikinini bai kism



Alexandra Aikehvald bilong James Cook University i givim kinot edres long opim konprens. Patrick Matbob bilong Divine Word University i toktok long senis long danis bilong ol pikinini long Rempi.



Ol pikinini Rempi wantaim ol bikpela bilong ol i putim kamap ol danis long Alexishafen. Ol Poto: Dokta Don Niles, IPNG.

gutpela helpimlong rit na rait long Inglis taim ol i lain rit long tokples ol i save long en.

Ol i bin kirapim International Council for Traditional Music long London long yia 1947, bihain tasol long Wol Woa 2. Em i gat 18-pela Stadi Grup.

Ol i bin kirapim Study Group on Music and Dance in Oceania long yia 1979 na ol i holim pinis ol bung long Australia, Japan, Palau na Yunaitet Stets o

Amerika.

Ol musik prisentesen long dispela bung i bin lukluk tu long sampela tumbuna "expression" o toktok olsem kism i kam bek gen ol lomo pefomens long Yangoru na long Urim Kristen Sios, ol senis long ol lyrics o ol wod long ol singsing bilong ol Lihir, developmenlong singsing i bihainim danis bilong ol pikinini long Rembi, krai bilong nek long musik bilong ol Hagen, na Kuman owa long-distens komyunikesen.

Risets long popula musik i bin fokas long rekoding bisnis na humour o pani long senis long musik.

Ol kain bung na senisim ol aidia o tingting namel long ol PNG na ovasis risets lain i bikpela samting long sait bilong akademik stadi long linguistics na musik.

Ol lain i bin kamap long dispela bung i laikim moa long dispela samting i mas kamap gen we i kamapim sans long sea na lainim long wanpela narapela.



Program bilong Wanwan De

De - Mande - Fraide

6am - 10am - Sankamap show - Host: Kas.T
6:00am - Major Nius Bulletin
6:15am - Komuniti Notis Bod
6:25am - Taim Bifo - wanpela singsing b'long bifo.

Tasol
9:30am - Final aua cruz
10am - 3pm - Morin Trek na Belo Pack
10:00am - Major Nius Bulletin - YUMIFM Nius Senta

2:00pm - Major Nius Bulletin - YUMIFM Nius
2:05pm - YU TOK - komiuniti awenes program
2:45pm - YUMI PANIM WOK Segment

6:10pm - 7:00pm Mon kamap sho
6:45pm - Komuniti Notis Bod
7:00pm - 9:00pm - COCA COLA GARAMUT

Sarere belo cruz - Host: Tuluvan Vitz
1pm - 2pm - Sarere Belo Taim Dedikesen
2:00pm - NIUS - YUMIFM Nius Senta

RADIO AUSTRALIA TOK PISIN PROGRAM HARIM LONG: 101.9 FM

6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

TUNDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

TRINDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FONDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FRAIDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

SARERE - Nait
7PM Stesen op - Ol Nius Hetlain/Program Priviu
7.05PM Musik na Chit Chat

SANDE - Nait
7PM Stesen op - Ol Nius Hetlain/Program Priviu
7.05PM Musik na Chit Chat

Raun wantaim Wantok kru ...

Tupela yangpela singa singim Nesenel Entem



Nicky Bernard i raitim

TUPELA yangpela singa bilong wanpela ben long Rabaul i bin kisim nem long singsing long bikpela

pilai namel long Australia na Papua Niugini Praim Minista 13 long Kalabon ragbi pilai graun.

Wanpela i singim Nesenel Entem bilong PNG na narapela i

singim bilong Australia.

Dispela tupela yangpela man na meri bin stap insait long reis bilong Digicel Star taim ol bin mekim long Kokopo long sam-pela yia go pinis.

Dispela tupela yangpela i no larim nek bilong tupela long stap nating, tupela joinim wanpela ben we ol yangpela tasol save pilai na singsing long taim bilong bikpela bung.

EMTV Television Guide

FONDE OKTOBA 16, 2014

8:40 PMG HOT SPOT Ep#33
9:10 PM PG ELITE MUSIC ZONE #31
9:40 PM G NEWS REPLAY
.....followed by the Australia Network

SLEEPOVER CLUB S1 EP#11/26
SHAK S6 EP#1/40
5:30 PM G SKIPPY - Puppets
5:55 PM G CRIME STOPPERS
6:00 PM G EMTV NATIONAL NEWS
7:00 PM G IN MORESBY TONIGHT -
7:30 PM PG ALERT THREATENED SPECIES
8:30 PM MA FRIDAY NIGHT MOVIE
10:00PM G EMTV NEWS REPLAY
.....followed by the Australia Network

7:30 AM G AUSTRALIA NETWORK
8:30 AM G SKILLICIOUS S2 EP#7/7
9:00 AM G DANI'S HOUSE S2 EP#2/12
9:30 AM G ULTIMATE GUINNESS WORLD RECORDS - EP#31/52
10:00 AM G PACIFIC WAY EP#16 - Rpt.
10:30 AM G SKIPPY - Puppets - Rpt.
11:00 AM G AUSTRALIA NETWORK
5:30 PM G OLSEM WANEM EP#39
6:00 PM G EMTV NATIONAL NEWS
6:30 PM G SECRET MILLIONAIRE USA -
7:30 PM G RAIT MUSIK repeat
8:30 PM MA MOVIE - RISKY BUSINESS
10:00 PM G EMTV NEWS REPLAY
.....followed by the Australia Network

3:30 AM G AUSTRALIA NETWORK
6:30 AM G EMTV NEWS REPLAY
7:00 AM G HILLSONG
7:30 AM G AUSTRALIA NETWORK
9:00 AM G BUSINESS PNG YR.3 EP#38 rpt.
9:30 AM G AMAZING SPIES Ep #4
10:00 AM G OLSEM WANEM EP#39 - RPT
10:30 AM G RESOURCE PNG EP#37 - Rpt.
11:00 AM G ITALIAN KHANNA Ep #2
11:30 AM G ITALIAN KHANNA Ep #3
12:00 PMG AUSTRALIA NETWORK
5:30 PM G LOVE PATROL S6 Ep #02
6:00 PM G EMTV NATIONAL NEWS
6:30 PM G VOCAL FUSION S1 - Ep#11
7:30 PM G TOK PIKSA - EP#2014/44

FRAIDE OKTOBA 17, 2014

4:00 AM G AUSTRALIA NETWORK
5:00 AM G JOYCE MEYER 1099-5
5:30 AM G EMTV NEWS REPLAY
6:30 AM G TODAY
09:00 am G CLASSROOM BROADCASTS
3:30PM G KIDS KONA
HI 5 S12 EP#38/39
NEW MACDONALD'S EP#51/52

SARERE OKTOBA 18, 2014

4:30 AM G AUSTRALIA NETWORK
6:00 AM G EMTV NEWS REPLAY
7:00 AM G IN HIS STEPS EP#33

SANDE OKTOBA 19, 2014

TORO



BIABIA



KANAGE



KROSWOD

- Antap
- 1 Kol bokis
- 5 Pe de
- 9 Ples i sut i go aut long solwara
- 10 Kol wara i kamap strong
- 12 Tenkyu
- 13 Man o meri i go pas long miting
- 15 Bilong sindaun
- 17 Yau
- 18 God i wokim Adam long en
- 20 Switpela wara
- 21 Solwara i kirap
- 22 I no yu
- 23 Pis
- 24 Namba
- 25 Tul bilong katim timba
- 26 Putim ol toktok long pepa
- 28 Ol samting bilong wok
- 30 Ples san i go daun
- 31 Ol soldia bilong PNG
- 32 Ol pipia bagarapim graun na wara
- 34 Melanesian Alaiens Pati
- 35 Mani bilong baim wok
- 36 Strongpela samting
- 40 Ples bilong sut long gan
- 43 Animal
- 45 Lotu
- 46 Hait namba bilong ATM kad
- 48 Nesenel Alaiens Pati
- 49 Lokal Level Gavman long Lahir
- 52 Papa na pikinini politisen bilong Nu Ailan
- 54 Olpela bos bilong Ombudsmen Komisen, ____ Geno
- 55 Ples wok
- 57 Spre bilong kilim binatang
- 58 Mak bilong kompas
- 59 Liklik tamiok
- Daunbilo
- 1 Pis
- 2 Bung bilong soim ol samting
- 3 Bilong opim dua
- 4 I no outsait
- 5 Kost
- 6 Saksak bilong Sepik
- 7 Bilong lukluk
- 8 De Jisas i kirap bek
- 11 Ripot bilong miting
- 12 Dring wantaim suga
- 14 Kon
- 15 Kela
- 16 I no outsait
- 19 Bris long Morobe
- 20 Mekim i hat
- 26 Baim ples bilong slip
- 27 Begin
- 29 Mak bilong kantri
- 30 Painim long nambis
- 33 Senia plisman
- 37 I no pas
- 38 Nem bilong meri
- 39 Bilong stretim ol klos na laplap
- 40 Nem bilong meri
- 41 Ol pipel bilong Rom long taim bilong Jisas
- 42 Hap
- 44 Kenvas
- 45 Klewa
- 47 I no hatwok
- 50 Intenesenel Leba Orgenaisesen
- 51 Rasti
- 53 Go pulim pis
- 56 Mani bilong wok

SUDOKU

5	9	1	8	6	2	4	3	7
7	2	3	9	4	5	6	1	8
6	8	4	7	3	1	2	9	5
4	3	7	5	1	6	9	8	2
9	6	8	2	7	4	3	5	1
1	5	2	3	8	9	7	6	4
8	7	5	6	2	3	1	4	9
2	1	6	4	9	8	5	7	3
3	4	9	1	5	7	8	2	6

Ansa bilong las wik Sudoku # 65

		7	6					
1		3		4	2		8	
	6	4		7		5		3
3		9	2		5			1
	8						7	
5			7		9	3		2
7		6		3		2	5	
	1		5	9		7		4
					7	1		

Ansa bilong Sudoku # 66 neks isu

P	A	I	P	L	A	I	N	S	A	R	E	P
A		O		I	E	M	T	I				
I	R	C	A		S	I	O	S			S	P
L	A	H	A	N	I	S		R		D	U	A
O	N	A	Z		A	N	T	I		S	U	S
T		N	A	T	I		S		P	E		
P		S	O	T		P		M	V	I	L	
B	A	L	E	N	S		M	I	S	K	O	L
I	N	A	O		M	O	N		T	O	P	
I	G	E	S		B	E	B	I		T	I	
S	A	P	L	A		A	T		T	U	R	I
A		A		R	E	L	I	S	E	N	I	
S	A	R	A	G	A		S	A	N	T	U	

Ansa bilong las wik krowod, isu # 2092

1	2	3	4	5	6	7	8	9	10	11	12	13	14	15	16	17	18	19	20	21	22	23	24	25	26	27	28	29	30	31	32	33	34	35	36	37	38	39	40	41	42	43	44	45	46	47	48	49	50	51	52	53	54	55	56	57	58	59	60
---	---	---	---	---	---	---	---	---	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----

EMTV Television Guide

8:00 PM G 60 MINUTES	6:00 AM G TODAY	TUNDE OKTOBA 14, 2014	9:30 PM G EMTV NEWS REPLAY	7:30 PM G Great Animal Escapes #3
9:00 PM MA MOVIE: THE REPLACEMENTS	9:00 am G CLASSROOM BROADCASTS	followed by the Australia Network	8:00 PM G OUR PORT MORESBY EP#20
	3:30PM G KIDS KONA			8:30 PM G VOCAL FUSION SEASON 1 –
	HI 5 S12 EP#34/39	5:00 AM JOYCE MEYER 1099-02		9:30 PM G TOK PIKSA EP# 43 REPEAT
10:30 PM G HILLSONG Rpt.	NEW MACDONALD'S EP#47/52	5:30 AM G NATIONAL EMTV NEWS REPLAY		10:00 PM G NEWS REPLAY
11:00 PM G EMTV NEWS REPLAY	SLEEPOVER CLUB S1 EP#7/26	6:30 AM G TODAY	followed by the Australia Network
.....followed by the Australia Network	SHAK S5 EP#30/33	9:00 am G CLASSROOM BROADCASTS		
	5:30 PM G S/SEASON 2 – EP#7/7	3:30 PM G KIDS KONA		
	5:55 PM G CRIME STOPPERS	HI 5 S12 EP#35/39	5:00 AM G JOYCE MEYER – 1099 - 3	
	6:00 PM G EMTV NATIONAL NEWS	NEW MACDONALD'S EP#48/52	5:30 AM G EMTV NEWS REPLAY	
	7:00 PM G BUSH PILOTS #3	SLEEPOVER CLUB S1 EP#8/26	6:30 AM G TODAY	
	8:00 PM G TOK PIKSA – repeat	SHAK S5 EP#31/33	9:00 am G CLASSROOM BROADCASTS	
	8:30 PM G TBA	5:30 PM G DANI'S HOUSE – SEASON 2 –	3:30PM G KIDS KONA	
	9:00 PM G COCA-COLA SPORTS SCENE EP	6:00 PM G EMTV NATIONAL NEWS	HI 5 S12 EP#36/39	
	11:00 PM G EMTV NEWS REPLAY	7:00 PM G HAUS & HOME Ep#35	NEW MACDONALD'S EP#49/52	
followed by the Australia Network	8:00 PM G BUSINESS PNG YR.3 –	SLEEPOVER CLUB EP#9/26	
		Ep#36/2014	SHAK S5 EP#32/33	
		8:30 PM PG MERLIN SEASON 4 – EP#8/13 –	5:30 PM G ULTIMATE GUINNESS WORLD	
		“Lamia”	6:00 PM G EMTV NATIONAL NEWS	
			7:00 PM G ROAD TO PORT MORESBY Ep	

Ol Progam na Kilok i ken tenis oltaim...

Raun wantaim Kanage olgeta wik

Ol Poto long konfemasio long Katolik Sios insait long Lihir Ailan, Nu Ailan Provins. Ol Poto: LMALA Midia



KONFEMASIO: Sampela long moa long 200 pikinini i bin kisim Sakramen bilong Konfemasio long Sen Clement Katolik Sios, Palie long Lihir Ailan long Namatanai, Nu Ailan Provins.



LOTU TAIM: Katolik Bisop bilong Kavieng Daiosis, Bisop Ambrose Kiapseni i go pas long Misa Lotu bilong givim Sakramen bilong Konfemasio long 278 sumatin bilong ol ples olsem Lakuplein, Kinami, Palie na Matzuz long Sen Clement Sios, Palie.



KOMYUNIO: Wanpela sumatin meri i kisim Santu Komyunio long han bilong Bisop Ambrose long misa lotu bilong kisim konfemasio.

Pukpuk i gat kik

Kanage em bilong Sepik wara. Em sindaun stori gris wantaim wanpela meri Markham. Tupela gris gris i go na tok pisin tu bilong Kanage i swit moa. Meri Markham ya tokim Kanage, "Sapos yu waswas long wara Ramu, em bai swit moa na yu i no nap go bek long Sepik ya!" Kanage tu man bilong tok pisin ya. Kanage tokim meri Markham, "Na sapos yu waswas long wara Sepik, teil bilong pukpuk bai strong moa! Em bai wokim baret i kam long Ramu wara!" Meri Markham ya singaut, "Turu ya!" Tok pisin em Kanage ya.

Maifo Mahn Buvussi

Mi tasol na yu stap orait

KANAGE tokim liklik pikinini bilong em long go baim mutrus bilong em na pikinini tok em i les. Em nau Kanage belhat na kirap paitim em. Meri bilong Kanage harim pikinini kra na em i siksti kam ausait long haus na askim Kanage. "Kela bun bun, yu paitim nating pikinini long wanem?" Kanage kirap na tokim meri bilong em olsem. "Mama yu noken askim mi dispela kwesten, samting mi wok hat na dispela pikinini kamap, olsem na sapos em i bikhet, mi gat olgeta rait long paitim na skulim em." Em nau meri bilong em kros na kirap tokim em. "Dispela wok bilong wok hat na kamapim ol pikinini yu save



tumas. Tasol long wokabout i go na baim mutrus yu pilim skin les." Meri bilong em i tok olsem na mekim Kanage i belhat na kros nogut tru, na i kirap tokim meri bilong em. "Gutpela tru na yu kam maritim mi, na yu stap gut olsem na yu hambak. Ating sapos papa antap i no wokim mi, bai yu painim man i go nogat na bai yu go poromanim wanpela dok man na karim dispela yau pas pikinini ol i save kolim hapkas dok na sipsip.

Wau-Bulolo Morobe

Tais Wara

Kanage em wanpela ekting bodi bilong hap long Banz ol i kolim ples Kalanga. Nik nem bilong em Tais Wara. Em save draivim lasmangi daina long Banz-Kimil rot. Wanpela taim buk i kamap stret long lek mit bilong em na wara nogut i kamaut. Dispela taim em i bin putim wanpela blakpela spotwe bilong Susana na draiv i go long Banz taun. Long hap yet em kamaut long kisim buai na wokabout krangi liklik. Man ol meri long KNK i lap na tok, "Porok o

draiva?" Kanage strongimsait na tok "Em tais wara ya, noken tok."

MDH, Banz

"There..."

Wanpela taim Kanage wantaim gelpren bilong em go danis long ples Gasmata long Arowe. Musik bilong Gasmata Vaibresen mekim ples paia na Kanage wantaim gelpren bilong em i mekimsave. Tupela go long namel na stat long disko. I no long-taim na wanpela man holim as bilong gelpren bilong Kanage na gelpren bilong Kanage i singaut. Kanage belhat na bikmaus long Tok Inglis, "Atus Rokat! The trabel is kamap there! We is the Kanai sikiriti there?" Ol lain stap klostu harim na ol lap long Kanage. Kanage tok gen, "Hey don't lap there! I don't do the form four there. I cut the banana there, the tisa the rausim mi there!"

Bikpela Uncle Arowe

Ol skwat!
Salim ol gutpela Kanage tok pilai i kam long:
Kanage Tok Pilai
P.O. Box 1982,
Boroko, NCD
Port Moresby.
Email:
jwilson@wantok.com.pg

Mi save bihainim ol wanwok long dring raun, tasol mi laik senisim pasin. Inap Laiplain i helpim mi?

Dia Laiplain

LONG potnait bilong mi, ol wantok i singautim mi long go wantaim ol long hotel. Ol i tok long mipela bai dring sampela bia na bihain bai mipela i go lukim ol video muvi piksa.

Tasol bihain long ol i dring sampela bia pinis, nogat wanpela long ol i laik go lukim muvi. Nogat. Sampela taim, ol i stap dring inap hotel i pas. Na sampela taim, ol bai go long haus bilong narapela poroman na skruim dring i go moa yet. Olsem wanem na mi ken stretim dispela wari bilong mi? Mi pret sapos mi no go dring wantaim ol, bai mi lusim ol pren bilong mi.

Dia Pren

YUMI olgeta i laik pren wantaim ol narapela pipel. Yumi belgut sapos ol i laikim yumi. Olsem na planti taim, yumi save mekim samting yumi no laikim bikos yumi laik amamasim ol narapela lain.

Em i gutpela samting long mekim ol samting long helpim ol pren. Tasol em i no gutpela samting sapos yumi mas mekim rong o pasin i no gut bilong amamasim ol pren.

Sori tumas, i gat planti pipel tumas long PNG i bagarap long strongpela dring. Tasol sori moa yet long ol dispela pipel i dring long amamasim ol pren. Yu tok olsem olgeta wanwok i save



go long hotel. Em i tru? Ating i gat planti olsem yu husat i no laik go tasol i nogat strong long tok nogat.

Planti taim, wanpela o tupela lida tasol i save pulim ol man na ol i go. Na i no long laik bilong ol yet, nogat. Ating sampela woklain bilong yu tu i laik go lukim muvi. Wanwan man i ting olsem olgeta man i laik go dring. I nogat man i gat strong long sanap na tok narakain. Nogat. ol pren i no laik harim dispela kain tok.

Wanpela we long abrusim dispela kain tok em hia. Yu yet i sanap toktok strong olsem wanpela lida. Long neks potnait, yu sanap na yu toktok strong olsem. "Maski long go long hotel tunait. Mi laik lukim piksa. Husat i laik kam wantaim mi." Ating bai yu lukim planti pren bilong yu bai go poromanim yu.

Tasol sapos nogat wanpela i laik go wantaim yu, maski, yu go yu yet. Maski ol i lap. Bihain long sampela de, yu ken gris wantaim ol long gutpela muvi yu bin lukim na yu bin amamasim tru. Neks taim, ating tupela

o tripela i laik go wantaim yu na traim.

Na sapos yu traim traim na i nogat wanpela man i laik go poromanim yu, orait, maski. Yu tingting nau. Tingting gut. Ating moabeta yu painim sampela pren i laik long woksop bilong yu, orait, yu go joinim sampela grup long YC o long sios o long spot klab.

Sapos yu stap insait pinis long wanpela olsem na ol wanwok i singautim yu gen long go long hotel, yu ken tokim ol olsem," Sori pren, mi noken. Ol pren bilong mi long hap sait i wetim mi."

Mi noken promisim yu, bai yu no lusim sampela pren na wanwok. Tasol maski... sapos oltaim ol i pulim yu long mekim ol kain samting yu no laik mekim, moabeta yu painim sampela narapela kain pren. Gutpela pren i save helpim yu.

Mi Laiplain

Sapos yu gat wari, rait i kam long Lifeline, P O Box 6047, Boroko, NCD. Telipon:3260011. Raitim trupela nem na etres bilong yu na bai mipela i ken salim bekim long pas bilong yu. Bai mipela i no inap putim trupela nem bilong yu long stori. Laiplain



Sampela ol Wes Papua pipel long kem insait long Westen Provins, PNG. ABC

World Vision i helpim yet Solomon Ailans yet

Sikspela mun bihain ol tait wara i bin bagarapim Solomon Ailan long mun Epril, ol wok i go het yet long Honiara.

Ol tait wara i bin hamarim na bagarapim planti haus na kilim ol pipel long Solomon Ailan.

Lawrence Hillary em i imejensi rispons menesa bilong World Vision long Solomon Ailan i tok ol non gavman lain wantaim gavman bilong Solomon i wok long go het yet long klinim Honiara Taun na ol ples long Guadalcanal Pleins bihainim bikpela taitwara long mun Epril.

22 pipel i bin dai na moa long 9,000 pipel i bin lusim ol haus na gaden kaikai bilong ol long dispela taim no gut.

World Vision i wanpela long ol NGO i wok long mekim ol bikpela wok long helpim ol pipel long ol samting olsem bringim gutpela wara na tu, stretim ol toilet.

Mista Hillary i tok em i bikpela samting tru long ol pipel i mas gat ol gutpela toilet na wara olsem, na grup bilong en i wok long givim yet helpim long dispela tupela samting.

PNG i no lukim yet LNG mani

Papua New Guinea i no lukim yet sampela gutpela winmani long bikpela Ges bisnis bilong en, Paul Barker em eksekutiv dairekta bilong Institute of National Afeas long PNG i tok.

Ol ripot i kam long Pot Mosbi i tok Gavana bilong Bank bilong Papua New Guinea, Loi Bakani, i tok maski PNG i stat pinis long salim ges bilong em i go long Esia, em i no kisim yet sampela win mani yet.

Toktok bilong em i kamap long dispela wik taim papa bilong LNG projek, ExxonMobil PNG Ltd i bin salim planti moa ges i go long ol narapela kantri.

Tasol Eksekutiv dairekta bilong Institute of National Afeas long PNG, Paul Barker, i tok bai kisim sampela taim yet long PNG i lukim sampela winmani.

UOG bai statim turisim skul

Turisim bai kamap olsem wanpela subjek bilong Yunivesiti ov Goroka (UOG) long neks yia, 2015.

Lawrence Beleh em i ekting CEO bilong Turisim na Kalsa long Atonomas Bogenvil Gavman i tok ol i amamas tru long tingting bilong UOG long statim skul bilong turisim long yia bihain.

Toktok bilong ol i bihainim toktok bilong Vais Sansela, Dokta Gairo Onagi olsem yunivesiti i laik kirapim dispela skul long wanem turisim bisnis i wok long kamap strong nau long PNG.

Dokta Onagi i bin mekim dispela toktok taim em i bin opim turisim ekspu long UOG tupela wik i go pinis.

Em i bin tok tu olsem olgeta yia PNG i save kisim samting olsem K1.6 bilien long turisim.

Mista Beleh i tok ol wok turisim inap helpim planti pipel we i ken winim ol kain wok bisnis

olsem ges, maining na oil long wanem, ol wok turisim i no gat taim bilong en.

Indonesia i spai long ol Wes Papua pipel i no nupela

Wanpela politikal ektivis i tok dispela kain pasin i bin stat long ol yia 1960's.

Ol Indonesia sumatin i mekim wok spai egensim ol West Papua pipel long Australia .

West Papua Ektivis Ronnie Kareni long Australia i tok em i no kirap no gut long ol toktok em i kamap olsem ol sumatin bilong Indonesia i save mekim ol wok hait o spai long ol Papua pipel.

Ronnie Kareni, i mekim dispela toktok bihain long ABC Lateline program i bin tokaut olsem ol sumatin bilong Indonesia i wok long kisim toktok na ol poto bilong ol Wes Papua pipel na salim i go bek long gavman bilong Indonesia.

Mista Kareni i tok tu olsem Indonesia i wok long mekim ol dispela wok spai long wanem, ol toktok na awenes long ol wari long wok politik long Wes Papua nau i wok long kamap strong.

Indonesia i bin kisim nating West Papua long ol yia 1960's bihainim wanpela vot we liklik lain tasol i bin stap insait long en.

Stat long dispela taim i kam inap nau, planti pipel long Wes Papua i wok long pait long bruk lusim Indonesia long wanem, ol i tok ol i pipel bilong Melansia, wankain olsem ol pipel bilong New Caledonia, PNG, Fiji, Solomon Islands na Vanuatu.

Save the Children Vanuatu i lukluk long helpim ol pikinini

Lain bilong Save the Children nau i wok long holim wanpela wokshop long lukluk long ol rot long helpim ol pikinini long ol taim no gut o imejensi, Gibson Ala em projek menesa wantaim Save the Children long Vanuatu i tok.

Vanuatu, wankain ol narapela ailan kantri long Pasifik rijon i save bungim ol hevi olgeta taim long saiklon, guria, volkeno i pairap, ol tait wara, na planti ol narapela wari gen olsem.

Planti taim, ol pikinini i save kisim taim long ol dispela taim no gut o imejensi.

Olsem na nau, Save the Children long Port Vila i holim dispela woksop long dispela samting.

Graun bai kamapim yet heve long Solomon Ailan

Wari long graun bai kamapim yet na planti kros na sindaun no gut long Solomon Ailan.

Dispela em toktok bilong wanpela politikal saientis bilong Solomon Ailan, Dokta Tarcicius Tara Kabutalaka, husat i tok bikpela wok em lain bilong Rijinol Asistens Misin i go long Solomon Ailan o RAMSI i no bin lukluk tumas long en.

RAMSI em Australia i bin go pas long en long Solomon Ailan bihainim bikpela trabel i bin kamap long ol kros long graun namel long ol pipel bilong Guadalcanal provins na ol pipel bilong Malaita.

Ol Raun Nabaut Poto:



BIKPELA WOK: Mama ya i pasim ol sugaken em i katim long bikpela suga gaden.



PENIM: Redi long wanpela bikpela selebresen na wanpela man i penim pes na wokim dekoresen.



POTETO PULAP: Renbo Maket i save pulap gut tru long ol apinun na dispela poto i soim ol manmeri i wok long pulapim maket i gat ol naispela poteto na kumu samting.

Is Nu Briten Sevings na Lon Sosaiti amamasim ICU dei

Is Nu Briten Sevings na Lon Sosaiti Limited bin stat long 1993 taim em kism laisens long Benkov PNG. Em i stap insait long 80 Sevings na Lons Sosaiti na i gat moa long 200 sevings klap insait long provins we planti ples lain bin stap long taim bilong kopretiv muvmen long 1960 i kam.

Sinia lida bilong PNG husat bin go pas long kamapim Sosaiti em Sinai Brown we em tok long 1990 i kam interes bilong ol Sevings na Lons Sosaiti bin pundaun. Tasol em sanap strong long kirapim bek dispela Sosaiti na Gavman bin givim sapot na ol kamapim dispela aidia bilong komyuniti sevings na Lons Sosaiti we nau ol kolim Is Nu Briten Sevings na Lons Sosaiti.

Dispela yia em 21 krismas bilong Is Nu Briten Sevings na Lons Sosaiti Limited long wok we nau em selebretim Intanesenel Kredit Yunion (ICU) Dei wantaim o larapela Sevings na Lon Sosaiti insait long kantri ol Kredit Yunion Ogenaisesen insait long wol long 16 Oktoba, 2014. ICU dei em ol save selebretim olgeta yia long namba tri Fonde long makim kredit yunion muvmen, histri bilong em na kirapim ol wok emmekim long en aninit long olbikpela het tok. Dispela yia em ol kolim "Local Service, Global Good"

Hia em toktok bilong Mista Sinai Brown go long ol memba na pipel bilong Is Nu Briten.

"Yu pela olgeta seaholds na memba na husatlaik kamap seaholda..olgeta memba, olgeta pipel bilong Is Nu Briten mas putim sampela mani insait long Sevings na Lon Sosaiti.

KreditYunion Muvmen insait long wol bin sevim olgrasruts long Amerika, Yurop na ol ples olsem Australia, Saut Is Esia. Kredit Yunion em bikpela samting long helpim ol plesmanmeri. Sevings na Lons em

gutpela long Kastoma Kredit' samting bilong haus'.

Yu ken baim ol samting bilong haus olsem frisa, televisen. Yu ken baim kar bilong yu yet.

Kredit Yunion bin stap bipo yet. Ol bin namba wan benk long bipo.

Tude Kredit Yunion Asosiesen insait long wol em ol malti bilion bisnis. Long PNG Sosaiti em olsem NASFUND Kontributas Sevings na Lon Sosaiti, Tisas Sevings na Lon Sosaitina hap bilong Kredit Yunion olsem na hap bilong em long Is Nu Briten Sevings na Lon Sosaiti em yu tu hap bilongbikpela Sosaiti."

Olsem sapota bilong Kredit Yunion muvmen, Sosaiti i laik toka mamas go long olgeta Sevings na Lon Sosaiti insait long PNG long dispela dei bilong Intanesenel Kredit Yunion.

Bikpela as tingting em long strongim ol memba insait long Sosaiti long aplai long kism lon wantaim tingting long kamapim senis long sait bilong mani na bringimsevis go long ol pipel long komyuniti.

Sosaiti save givim lon o dinau long mak olsem 1:1 na 1:1.5 mak we em i sevingsbeis insait long 'PraimeriSevings Akaun'. Olgeta lon i gat interes reit long 1% wan wan mun long daun balens long stretim laik bilong wan wan memba, kopretiv, ol bisnis o olgrup olsem long agrikalsa, edukesen, helt na famili bisnis, Fiseris na agrikalsa kopretiv asosiesen.

Ol memba save kism tu-Famili Laip na Eksiden Insurens Skim aninit long Laif Insurens Kopresen (PNG) we em laik tasol bilong ol memba long joinim. K12,500 em bilong memba i dai na olarapela kos bilonghaus kra i na planim, Famili Helt Kava, Emejensi Medikol Kos bilong karim

sik man go, intanesenel trensfea, bel mama, aiglas, Dentol na ol eksiden nabuat em ol gat sapot.

I gat tu Interest Bering Depositi (IBD) Akaun we i gat 2.5% interes wan yia sapos yu putim K1,000.00. Dispela em bilong ol memba i larimmani bilong ol mekim wok.

Sosaiti save givim tu ol samting pela prodak olsem;

- Praimeri Sevings
- Insurens Akauns
- Skul Fi Sevings
- Krismas Sevings
- Karent Sevings
- Invesmen (IBD) Akaun
- Praimari Lon
- Sekenderi Lon.

Het opis bilong Sosaiti i stap long Kokopo na ol brens i stap long Rabaul, Kerevat, Warangoi, Palmamal na Bialla, Wes Nu Britenprovins.



Founder of the East New Britain Savings and Loan Society, Mr. Sinai Brown at his residence.



Fishing Cooperative of Watara, Duke of York Island.



A student of the Vunavatikai Primary School during On-site Banking for Wartovo Savings Account.



EAST NEW BRITAIN SAVINGS AND LOAN SOCIETY LIMITED

Serving the rural people since 1993

East New Britain Savings and Loans Society Limited has a range of products suitable for;

- SME Businesses
- Agriculture
- Building

- Health
- Education
- Personal Loan

With a competitive interest rate of 1% per month on all loans








SAVE REGULARLY. BORROW WISELY. REPAY PROMPTLY

WHERE TO FIND US:
KOROROA HEAD OFFICE
Williams Road, Kororua, Email: enquiries@enbsl.com.pg
Ph: (675) 892 8950 / 892 8950, Digital: (675) 7132923, Fax: (675) 892 8950

Rabaul Branch
Ph: (982) 4250 Fax: (982) 4252 Digital # 70190000 Digital # 70190003

Kerevat Branch
Ph: (982) 4250 Fax: (982) 4252 Digital # 70190000 Digital # 70190003

Warangoi Branch
Ph: (982) 4250 Fax: (982) 4252 Digital # 70190000 Digital # 70190003

Palmaamal Branch
Ph: (982) 4250 Fax: (982) 4252 Digital # 70190000 Digital # 70190003

Bialla Branch
Ph: (982) 4250 Fax: (982) 4252 Digital # 70190000 Digital # 70190003



- Primary Savings
- School Fee Savings
- Insurance
- Christmas Savings
- Current Savings
- Investment (IBD)
- Wartovo Savings
- Primary Loan
- Secondary Loan

IPA i singaut long ol kampani i givim ripot

INVESTIMEN Promosen Atoriti (IPA) i toksave long olgeta kampani bilong Papua Niugini husat i rijista long wokim bisnis i mas stat givim aut-standing anuel ripot bipo long mun Februari, 2015.

Rejista bilong kampani, Alex Tongayu i givim tok-laukaut olsem sapos ol kampani i no bihainim dispela singaut na i no givim ripot bai kisim mekim save bilong baim penalti fi.

Mista Tongayu i tok sapos wanpela kampani i no bin givim anuel ripot biong em long las 5-pela yia o 10 pela yia, nau em i sans bilong ol long kwiktaim stretim ripot na na baim aninit long fi we IPA i putim long baim namel long Novemba 1 na Jun 31.

Em i tok as tingting bilong nupela polisi bilong IPA em long mekim ol kampani i mas bihainim gu tloa long bilong mekim bisnis long kantri.

Mista Tongayu i tok ol dairekta na papa bilong ol bisnis i mas bihainim gut ol lo bilong mekim bisnis taim ol i mekim wok bisnis long kantri.

Em i tok taim ol i rijista long iPA, bisnis bilong ol i kam aninit long lo bilong mekim bisnis long kantri na ol i mas bihainim.

Em i tok planti kamapani long kantri i no bihainim lo na i no givim anuel ripot i go long iPA.

Mista Tongayu i tok kos bilong ranim opis na ol arapela kos i wok long go antap

tasol, IPA i no bin apim ol fi long las 14 yia na nau em i apim sampela fi bilong em long sapos em long ol wok bilong em.

"Aninit long loa bilong bisnis, sapos yu i feil long long givim anuel ripot bilong kampani long iPA, penalti em K100 long wanwan anuel ripot. Sapos yu no givim anuel ripot long tupela yia yu bai baim K300 penalti fi," Mista Tongayu i tok.

"Long penalti fi bilong 2014, sapos yu na givim anuel ripot long wanpela yia, bai yu abaim K100, sapos tupela yia bai em tu baim K200," em i tok.

Mista Tongayu i tok opis bilong em i painim hat long mekim save long ol kamapani

i no givim anuel ripot na planti bisnis i save ting olsem em i liklik samting na i no save baim penalti fi bilong ol.

Long wankain taim Mista Tongayu i tok IPA bai mekim bikpela kempen o awenes long ol ruel ples long givim gutpela toktok long ol pipel i ken mekim liklik bisnis long sapos em.

Em i tok IPA tu bai mekim awanes long olain rejistri sistem bilong em.

Mista Tongayu i tok IPA i lonsim pinis onlain rejistresen pinis tasol i holim bek sampela wok bilong onlain.

Em i tok onlain rejistresen servis bai wok long 2015 long ol bisnis haus i ken kisim gutpela servis na mekim gut bisnis bilong ol.

PNG na EU toktok long strongim tred, invesmen na developmen

BISNIS na invesmen namel long Papua Niugini na Yuropien Yunion (EU) i gro na lukim planti prodak bilong PNG i nau stap long maket bilong ol Yuropian kantri.

Pastaim i no bin olsem na ol prodak bilong PNG i no bin go long maket bilong Yurop. i bin gat Yuropien Yunion (EU) i stap long kantri tasol wok i bin kamap namel long tupela gavman long ol developmen tasol.

Pren namel long Papua Niugini na Yuropien Yunion i gro.

Praim Minista Peter O'Neill na hetman bilong Yuropien Yunion Delegates long kantri, Embedesa Mar-

tin Dihm i bin bung las wik long Pot Mosbi na toktok long prensip na wok bung long developmen na bisnis invesmen namel long ol EU kantri.

Pataim EU i save helpim PNG long ol developmen tasol tred na bisnis namel long tupela kantri i wok long gro long sotpela taim.

Dispela i kirapim tingting bilong tupela lida na Praim Minista O'Neill i bungim Mista Dhim na tupela i holim wanpela miting long las wik long opis bilong praim minista, na toktok long strongim bisnis na tred namel long tupela sait.

"Planti prodak bilong Papua Niugini i stat long go

long maket bilong ol EU kantri, bipo i no bin olsem. Na EU teknikel lain na ol ikwipmen em PNG i kisim na yusim long ol risos sekta", Mista O'Neill i tok.

"Mipela i laik lukim dispela wok bisnis namel long tupela sait i mas gro wantaim wok bilong gavman na givim planti sans long yumi ken strongim wok wantaim ol Yuropian kantris," Praim Minista O'Neill i tok.

"Papua Niugini na EU i gat bai leterel tred agrimen we i tok orait long ol prodak bilong kantri bai go fri long Yurop maket. Dispela agrimen em i gat gutpela sait long PNG i salim pam oil prodak na fiseris prodak long Yurop

maket".

Praim Minista i tok tenkyu long EU long ol developmen sapos EU i wok long givim yet long ol sampela yia i go pinis.

Yuropien Yunion em namba tu bikpela divekopenmen patna bihain long Australia.

"Wantaim ol helpim EU i givim i lukim Papua Niugini i amamas long planti ol infrastraksa developmen i kamap, ol skil na arapela helpim long developim ruel eria long helt na edukesen sekta",.

"Kopresen aninit long dispela namba 10 EU Developmen Fan i lukim kantri stretim kakao na kopi projek long Bogenvil na Is Nu Briten," Mista O'Neill i tok.

Gavman saposim MSG tred na invesmen miting wantaim K2.2milien

Stanley Nondol i raitim

NESENEL gavman i givim K2.2 milien long Dipatmen bilong Tred Komes na Industri long kamapim miting bilong Tred na Invesmen bilong MSG kantri long mun Novemba 2014.

Minista bilong Tred, Komes na industri, Richard Maru long las wik i tokaut olsem dipatmen bilong em i amamas na bai go pas long holim namba tu miting bilong Melanisen Spiahet Grup (MSG) long Novemba 28 i go long Novemba 30 long Pot Mosbi.

Ol memba kantri bilong sab-rijonal bodi bilong Melanesian Spia Het grup em Fiji, Vanuatu, Solomon Ailan, na Papua Niugini.

Nesanel Gavman, Dipatmen bilong Komes na Industri wanataim ol praivet sekta bai bung na holim dispela MSG tred na invesmen rotso.

Bai gat tupela hap bilong dispela rotso. Narapela em tred fe na narapela em invesmen semina.

Tred fe bai kamap long Mari Bareks long 28 Novemba i go long 30 Novemba na na invesmen Semina bai kamap long Novemba 27 long Laguna Hotel long Mosbi.

Minista Maru i tokaut olsem topik bilong namba tu MSG Tred ana invesmen Rotso em "Kisim MSG Tred Agrimen i go long neks levul" wantaim lukluk bilong strongim ana surukim MSG Tred Agrimen long kamap gutpela na gutpela wok i mas akamap namel long ol MSG kantri.

Minista Maru i tok i gat nid long olgeta MSG kantri i mas

toktok na mekim ol wok i stap long agrimen bilong MSG.

Em i tok em i sans bilong ol olgeta bisnis na ol bisnis i mekim tred aninit long agrimen bilong MSG long na husat bisnis i laik mekim tred aninit long MSG long kamap long tred fen a toktok wantaim ol MSG memba kantri na bisnis long narapela kantri.

Minista Maru i singaut long ol praivet ekta long saposim dispela mitng long promotim Publik Praivet Patnasip.

"Wantaim bikpela maket bilong MSG memba kantri long eria bilong invesmen long turisim, ol impot na eksport bilong guds na servis, dispela kibung bai helpim ol kampani bilong PNG na ol liklik bisnis (SME) long ol i mas kamap long tred fen a soim ol servis na prodak bilong kamapni bilong ol long MSG kantri na ol publik," Minista Maru i tok.

"Mipela bai singautim ol indonesia famili bilong yumi long Wes Papua long kam insait long dispela kibung," em i tok.

Minista Maru i tok Tred na Invesmen em i bikpela as tingting bilong MSG visin bilong 25 yia long lukluk long ikononik Kopresen na em i nambawan lukluk bilong dispela miting bilong MSG.

Ol eksekutiv komiti we dispatmen bilong Tred, Komes na industri i go pas i statim pinis wok bilong holim dispela miting.

Minista Maru i singaut long ol kampani bilong PNG, SME sekta na ol arapela bisnis haus long kamap long dispela miting long painim gutpela rot bilong bisnis wantaim ol MSG kantri.

Air Niugini bai selebretim 41 yia

BIKPELA balus kampani, Air Niugini bai selebretim 41 yia aniveseri long Novemba wantaim ol selebresen bai kamap long Lae, Morobe provins.

Air Niugini i tok kampani bai kisim ol selebresen i go long ol arapela hap long kantri bikos planti taim ol kain selebresen i save kamap long Mosbi tasol.

Sif Eksekutiv Opisa bilong Air Niugini, Simon Foo i tok Air Niugini bai statim selebresen wantaim open de long Sarere Novemba 1 long Lae Intanesenel Hotel. Em bai op long publik long 10 kilom moning i go long 4pm apinun.

Ol dipatmen insait long Air Niugini yet, olsem Enjiniering, Kebin kru, Humen Risos, Maketing na ol arapela bai soim wanem wok ol i save mekim.

Ol infomesen olsem, rot bilong kamap pailot na enjinia wantaim ol arapela infomesen bilong ol wok insait long Air Niugini tu bai ol i putim aut

long publik i ken luksave na askim long moa toktok.

Dispela em bai sans long ol sumatin long go kamap long hap na painim aut ol moa toktok long ol wok insait long Air Niugini.

Mista Foo i tok em bai bikpela sans bilong ol sumatin long go kamap na kisim moa toksave, na askim planti askim long wanem wok Air Niugini i mekim sapos ol i gat laik long kamap wanpela bilong wokman nameri bilong Air Niugini.

Ol patna bilong Air Niugini long kantri na ovasis bai joinim open de long selebretim 41 yia bilong bisnis long kantri.

Ol patna em, Turisim Promosen Atoriti (TPA), PNG Air Service Limited, National airport Limited (NAC), Air Niugini Savings na Loan Society, Eagle Flight Training Limited long Nu Silan, Advance Aviation Training Ltd, Professional Pilot Training, Coffs Harbour, na skul long Cebu, Philippines.



Praim Minista Peter O'Neill na hetman bilong EU delegates long PNG, Martin Dhim i holim miting long Pot Mosbi.



Ramu NiCo Menesmen bung wantaim ol KBK klen Lida

KOMUNIKESAN o toktok i go kamamel long divelopa na ol papagraun long ol maining projek eria em bikpela samting long kamapim gutpela tingting na rispekt na wok-bung bai stap wanpela long tupela sait wantaim oltaim.

Dispela em wanpela strongpela toktok we i bin kamap long Tunde, Septemba 30 long wanpela miting long Kurumbukari we Ramu NiCo (MCC) KBK Main menesmen tim i holim wanpela miting wantaim ol klen lida bilong Kurumbukari bikpela klen long SML eria olsem Maure, Imuruva, Nokomboi, Pagazi na Bibatari.

Ol klen lida i autim bel-hevi bilong ol olsem planti ol bikpela toktok we i save kamap long ol miting long ol biktaun na siti we i karamapim Ramu NiCo Projek i no wok long go daun tru long ol komyuniti. Ol klen lida i sutim tok long ol lenona eksekutiv long dispela.

Ol KBK klen lida i autim bel-hevi bilong ol i go long Ramu NiCo KBK sait menesmen tim em Asisten Presiden, Zhao Regian, KBK Rejista Main Menesa, Timonty Irinaya na KBK Deputi Jeneral Menesa, Meng Deong.

Ol bikpela toktok we i bin kamap long miting i karamapim len kompensesen, rilokesen wok, spin-ov bisnis i go long ol papagraun, agrikalsa developmen, na ol hevi we i bin kamap we sampela lain i bagarapim na kukim ol masin bilong wok long main.

Ol arapela toktok i karamapim ol hevi long sait long lo na oda we i lukim ol outsait lain i go stap nating long SML eria na tu hevi bilong salim bia na simuk nogut na pilai kas na tu ol man i wok long dringim hombru na kamapim hevi long komyuniti.

Siaman bilong KBK Lenona Asosesin (LOA), Mathew Dengua i askim ol klen lida blong wan wan ol dispela bikpela klen long go bek long wan wan viles bilong ol na bungim ol pipel bilong ol long miting na traim painim sampela gutpela rot long stopim ol dispela pasin blong hombru (yawa) salim bia nating na tu pilai kas.

Mista Dengua i tok strong tu olsem ol klen lida i mas stop long bringim ol outsait lain i go stap long SML eria na ol komyuniti klostu.

Em i tok em bai wok klostu wantaim ol komyuniti lida, polis na divelopa Ramu NiCo long mekim-save long husat lain i kamapim hevi insait long komyuniti.

Tupela klen lida, Bare Diri bilong Maure klen na Kenny Mangoa bilong Nokomboi klen i sapotim toktok bilong Mista Dengua,

na tokaut olsem ol bai sapotim kampani long karimaut wanem gutpela wok progrem i kamap insait long komyuniti.

Tupela klen lida, Mista Diri na Mista Mangoa i autim bel-hevi bilong ol tu long kampani i mas helpim long bringim wara i go long Banu na tu wokim wanpela komyuniti kibung haus, wanpela spots graun na tu wanpela maket haus. Ol i askim tu long moa gutpela menesmen i mas kamap long ol rilokesen eria.

Ramu NiCo (MCC) Asisten Presiden, Mista Zhao i tokaut tu olsem Kampani i no amamas olsem planti outsait lain i go stap long ol SML eria insait long KBK eria. Em i tok dispela ol outsait lain i wok long pasim ples bilong ol lokal lain long wok.

"Mipela i luksave olsem sampela long ol dispela outsait lain em ol lain bilong ol klen lidas husat i muv i go stap long KBK eria long painim wok tasol," Mista Zhao i tok.

Em i tok Kampani bai bihainim MOA long givim luksave long ol lokal lain husat i gat skil o save long wok.


Mista Zhao i tokim ol klen lida olsem Kampani bai lukluk moa long sapotim agrikalsa developmen wok long helpim ol lokal pipel wantaim teknikal edvais, traning na tu ol risoses long mekim ol papagraun i save long self-rilaiens long wokim wok long helpim sindaun bilong ol yet long bihain taim.

Las wik antam Siaman bilong KBK LOA, Mista Dengua i tok olsem ol papagraun i mas lukautim dispela wanpela bikpela nikel/kobalt projek long provins bilong ol na tu divelopa Ramu NiCo (MCC) bikos moa helpim bai kam taim dispela projek i go het gut.

Mista Dengua i mekim dispela strongpela toktok taim ol mama blong Kurumbukari na Inlen Paipain i kisim tupela nupela trak i kam long Wol Benk aninit long Nesene! Gavman progrem long sapotim ol meri insait long maining projek eria.

Mista Dengua i tok stat long kontraksen taim bilong Ramu NiCo projek yet long 2006 inap long Ramu NiCo i lukim planti ol bikpela infrastraksa wok olsem nupela rot na bris, skul, eid pos na ol arapela samting i bin kamap bikos long dispela projek tasol.

Em i tok bai i gat arapela helpim moa tu bai i kam aninit long 2013 Rivais MOA bilong Ramu NiCo Projek, olsem na ol pipel i mas stap isi na sapotim projek wok long ples blong ol. Mista Dengua i askim ol papagraun long lukautim Ramu NiCo na larim em i wok insait long seif na bringim arapela helpim i kam long ol pipel.




Ol LOA eksekutim mekim promis long sevim ol papagraun.



Siaman bilong KBK LOA Mista Mathew Dengua.

Ramu NiCo bris we Ramu NiCo i wokim we tete i helivim planti pipol.



salens bilong graun na masin bilong mekim wok.

Ol dispela namba i soim klia mak bilong wok mipela i pinisim:

- Moa long 4.5 miliar kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil biling i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paipain)

'Wanpela Ramu NiCo, Wanpela Komyuniti'

Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisanim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikpela wok kontraksen long namba tu hap bilong 2008. I kam inap nau, olgeta bikpela kontraksen wok long Krumbukari main sait na Basamuk rifaineri i pinis, na projek i stap redi long kisim komisanim o tok orait long mekim wok. Long wol tu, dispela kain hariap sanapim em i no kamap bipo long wanpela kain bikpela projek olsem, na i daunim olgeta

Piku Projek kisim K2.5 milien helpim

PIKU Trausel Projek long Kikori, Galp Provins i kisim K2.5 milien long Exxonmobil PNG Limitet em opereta bilong PNG LNG em bikpela ges projek long kantri, long mekim wok insait long 5-pela yia i kam.

Yunivesiti bilong Canberra long Australia na Institut bilong Baiolojikel Risets long Yunivesiti bilong PNG i wok wantaim insait long dispela projek long lukautim ol longpela nus trausel long tokples bilong ol Kikori ol i kolim long Piku.

Yumi no nap painim dispela kain trausel long ol narapela hap bilong wol, tasol long Sauten Niugini long Kikori Delta na Galp riji long PNG na Noten Teritori long Australia.

Ol pipel i stap long Kikori Delta i save kaikai mit na kiau bilog dispela trausel na nau, i no gat planti i stap. Olsem na Exxonmobil i wok long helpim lukautim ol dispela trausel na ol i ken kamap planti na stap long ol lain i kam long bihain taim i ken lukim na yusim tu.

Peter Graham em Menesing Dairekta bilong Exxonmobil i tok kampani bilong em i gat wok long lukautim envaironmen bilong dispela kantri na ol lain i kam bihain i ken kisim gutpela samting long ol.

“Mipela i inves long ol program olsem bikos em i sapatim na strongim wok long lukautim envaironmen. Na Piku Projek i gutpela piksa we i soim ol komyuniti

i go pas na dispela bai kamapim gutpela samting,” Mista Graham i tok.

Fanding bilong dispela program i sapatim tu ol narapela wok olsem ol awenes autris program long trausel, wok long monitaim na luksave trausel i stap olsem wanem na ol birua em i bungim long en.

Program i helpim tu wok long sains konsevesen na ol lain i wok long dispela eria long wok bilong ol.

Wantaim dispela projek, ol i kamapim tu wanpela buk bilong ol pikinini ol i kolim long The Adventures of Piggy on the Kikori na namba tu buk ol i kolim long Monty and Lake Kutubu Invasion. Ol i tilim pinis moa long 10,000 buk i go aut long kantri.



PIKU PROJEK: Trausel Piku em wanpela kain trausel i stap tasol long PNG na Noten Teritori long Australia we Exxonmobil i helpim long lukautim. **Poto: Exxonmobil Midia**



KATIM RIBEN: Petron bilong RSPCA, Gavana Jenerel na Gren Sif, Sir Michale Ogio i katim riben long statim RSPCA Paws wokabaut.



WOKABAUT:(L-R) RSPCA Humane Edukesen tisa, Sameth Mesa wantaim mascot-Wantok, Ledi Esmie, Sir Michael Ogio na RSPCA Vais Presiden Anne Ames. Sir Michael i amamas long wokabaut wantaim Charlie em 4 yia miks brit dog i painim yet wanpela famili long kisim em.



OL VOLANTIA: i bin gat 50 volantia na ol wokman bilong RSPCA i putim grinpela tisiot na nem long ol siost bin stap sambai long helpim ol lain i wokabaut. Hia em 5-pela volantia i wokabaut wantaim ol dog i stap long adopsen program na wetim sampela lain long kisim ol.



WESTPAC: Tim bilong Westpac PNG Limitet i bin givim kaikai long ol lain i bin stap insait long wokabaut wantaim ol naispela sosis sisel. Westpac i wokim dispela long 5-pela krismas i go pinis long sapatim RSPCA Paws wokabaut. **Oi Poto: RSPCA**

Mekim gut long ol animel ...Namba 5 Paws wokabaut

YUMI mas mekim gut long ol animel, na soim kea na kisim tok long dispela i go aut long moa pipel i wanpela bikpela mesej o toktok Gren Sif na Gavana Jenerel, Sir Michale Ogio i mekim long wanpela wokabaut bilong sapatim ol dog long las wiken.

Namba 5 RSPCA Paws wokabaut long Ela Bis long las wik Sande long sapatim

gutpela welfea, lukaut na rispek insait long komyuniti na i go long ol animel i bin pulim klostu 500 pipel na 38 dog long wokabaut mak olsem 2.5 kilomita rot long Ela Bis long kamapim awenes i go long pablik long lukautim na mekim gut long ol animel.

Sir Michael husat i petron bilong dispela wokabaut i bin askim olgeta lain i stap

long wokabaut na tu, i skruim i go aut long pablik olsem “yumi i wok wantaim long brukim pasin we yumi save mekim no gut insait long ol komyuniti bilong yumi.”

Sir Michael i tok ol stadi long as bilong mekim gut (kindness) na i no mekim gut (cruelty) i soim olsem pasin bilong mekim no gut long ol animel i wankain

long pasin we ol man i mekim long ol narapela.

Em i tok long edresim dispela, i moabeta long fokus long edresim animel welfea.

Em i tok wanpela woksop we Royal Society on Prevention of Cruelty to Animals (RSPCA) i bin go pas long en we 8-pela kantri long Pasifik i bin stap long en i bin kamap wantaim 9-pela poin plen.

Wanpela long ol em long gat ol ple long mekim gut long ol animel na ol rot bilong skulim pipel i mas stap.

“Dispela em bikos i gat nid long skulim ol komyuniti long Saut Pasifik pasin na rot long mekim gut long ol animel,” Sir Michael i tok.

Sir Michale i amamas long RSPCA long PNG i gat wanpela edukesen program long skulim ol skul pikinini long pasin bilong luksave na mekim gut long ol animel.

Aninit long dispela edukesen awenes program olgeta wik, ol RSPCA opisa i save go long ol skul na toktok long wok we ol papa bilong ol animel i gat na wail laip

konsevesen wantaim ol praimer na elementeri skul pikinini, ol tisa na ol papamama.

Ol i save strongim tu ol pikinini we wan wan long ol i mekim promis long stopim pasin bilong bagarapim na mekim no gut long ol animel.

Aninit long dispela program, planti pikinini i promis long no ken baim o salim ol wail laip long ol strit bilong yumi.

Sir Michael i askim ol stekholda, ol lain ejensi na ol sapota long wok wantaim na sapatim pasin bilong mekim gut long ol animel.

GOC bung wantaim ol midia

2015 Pasifik Gems i kam klostu nau na Pasifik Gems Ogenaising Komiti (GOC) i luksave long dispela na sinia nius manmeri long toktok long ol rot bilong kism nius long taim bilong dispela bikpela pilai.

Midia Operesen Kodineta bilong GOC, Denyse Ealedona, i tok olsem moa long 200 na 300 nius manmeri

bilong ol arapela kantri bai kam long Papua Niugini long kism ol stori bilong dispela bikpela pilai.

Mis Ealedona i tok GOC i luksave long dispela na i laikim mekim rot bilong kism stori i gutpela.

Long bung bilong GOC wantaim ol bos na sinia nius manmeri, GOC i tokim ol nius manmeri olsem bai gat ol midia wok stesen, na ol-

geta samting we ol midia manmeri i nidim long mekim wok bilong ol bai stap long ol dispela midia wok stesen.

GOC i tokim ol midia lain olsem olgeta stori bilong Pasifik Gems bai no inap long kamap long Julai 4 i go inap 18 tasol, ol i tok olsem ol stori bai stat bipo long opening seremoni.

Gems Rilei bai stat 100 de bipo long opening sere-

moni, na dispela rilei bai kamap long olgeta provins long kantri long givim sans long olgeta pipel bilong kantri long wan wan provins long pilim ekspirians bilong Pasifik Gems.

GOC i tokaut tu olsem bai gat ol traipela TV long wan wan hap long ol provins long bungim ol pipel i kam bung na lukim Pasifik Gems.

PMs 13 na Digicel All Stars bai kamapim Kumuls long bungim Tonga

Nicky Bernard i raitim

PMs 13 wantaim Digicel All Stars bai bung wantaim long kamap PNG Kumuls long bungim ol Tonga long intenesenel ragbi salens we bai kamap long Lae Morobe Provins long dispela wiken.

Digicel All Stars em ol pilaia husat i wok long mekim nem long Digicel kap resis long dispela yia, planti bilong ol dispela mangi i pilai gut tru taim ol i pilai olsem keten resa bilong PMs 13 long Kokopo, Is Niu Briten Provins.

Planti bilong PNG Hunters pilaia tu i bin mekim nem taim ol i putim PNG kala long skin bilong ol, na kism Australia PMs 13 Kokopo.

Dispela PMs 13 i bin kamap long las wiken na em i namba 10 pilai bilong tupela tim wantaim taim i ol kamapim resis long mekim awenes long helpim ol meri long tupela kantri wantaim.

Praim Minista 13 ragbi pilai i kamap taim tupela

Praim Minista bilong Australia Bob Hawk na Gren Sif Sir Michael Somare i bin stap olsem ol bos man long ol wan wan kantri bilong ol, na ol i laik strongim long mekim awenes bilong ol meri.

Long 10-pela krismas nau, dispela toktok long "Strongpela man no ken paitim meri, Strongpela man mas rispektim ol meri" o "Vailens egensim meri" i wok long strongim dispela ragbi pilai namel long tupela kantri wantaim.

Dispela wiken bai lukim ol PNG Kumuls bai soim strong bilong ol wantaim ol bikpela man bilong Tonga taim ol i bung long Lae.

Tonga i gat nem nau long ragbi lig long wanem planti bilong ol i wok long pilai long ovasis na dispela bai mekim Kumuls bai i tingting planti long pilai bilong ol.

Sapos Kumuls i bihainim gem plen na tingting bilong kosa, ol bai winim Tonga long dispela tes ragbi pilai long Lae ragbi graun.



Ol sinia manmeri bilong midia, na sampela ol jenelis het tisa bilong Yunivesiti ov Papua Niugini (UPNG).

Kundiawa Luteren Hai Skul kism nupela basketbal kot

"OL skul sumatin bilong Kundiawa na ol ples klostu long Kundiawa i mas putim edukesen na spot olsem namba wan samting long laip bilong ol".

"Ol mas lus tingting long pasin bilong dring bia na smuk mariwana".

Dispela em toktok bilong wanpela komyuniti lida bilong Kundiawa, Moses Kuman, taim em i lukim nupela basketbal kot Bank South Pacific (BSP) i kamapim long Kundiawa Luteren De Hai Skul.

Mista Kuman i tok tenk yu long BSP long sapot bilong ol na tokim ol olsem komyuniti bai lukautim dispela nupela basketbal kot.

"Dispela helpim bilong

BSP i soim olsem BSP i no save helpim long givim mani tasol. BSP i save helpim long kamapim ol spot fasiliti bilong ol komyuniti tu," Mista Kuman i tok.

Em i tok dispela spot fasiliti bai helpim ol yangpela long stap helti na strong na lus tingting long ol rabis pasin bilong dring bia, smuk mariwana na mekim hevi long komyuniti.

Aninit long Komyuniti Inisitiv Program bilong BSP, ol wok manmeri bilong BSP long Kundiawa i bin helpim kamapim dispela basketbal kot.

Ol i bin kism 5-pela mun long helpim long mekim wok kontraksen bilong dispela nupela basketbal fasiliti.

Brens Menesa bilong BSP long Kundiawa, Rita Singut, i bin stap long givim dispela nupela basketbal kot i go long skul edministresen na ol lida bilong komyuniti.

"Dispela nupela basketbal kot i soim olsem BSP i wok strong long sapotim ol pipel bilong Simbu Provins long stap helti, na gat gutpela laipstail.

Em i tokim ol pipel tu long lukautim gut ol fasiliti we BSP i givim long ol.

Long dispela yia, BSP i helpim long kamapim 25-pela komyuniti projek long ol ples insait long kantri.

Ol dispela projek em ol projek bilong helt, edukesen, envairomen na spot.



Het Tisa bilong Kundiawa Lutren Hai Skul, Patrick Unagi wantaim Brens Menesa bilong BSP Kundiawa, Rita Singut.

Kondra sapotim Kiunga Volibal Asosieisen

ANINIT long North Fly Distrik 5 yia developmen plen, komyuniti developmen em wanpela eria we memba bilong Not Flai, na Minista bilong Turism Ats na Kalsa, Boka Kondra i lukluk long en.

Wantaim strongpela tingting bilong komyuniti developmen insait long distrik bilong Mista Kondra, em i givim namba wan sapot long ol yangpela man meri long distrik bilong em na tokim ol long go pas long ol spot ektiviti.

Ol yangpela long Not Flai distrik aninit long lukaut bilong Mista Kondra i givim wanpela sek mani inap long K50,000 i go long Kiunga Volibal Asosieisen.

Kiunga Volibal Asosieisen bai yusim dispela mani long

go pilai long Nesenel Volibal Sempionsip we bai kamap long Oktoaba 31 i go inap Novemba 3.

Tim Menesa bilong tim Kiunga, Greg Isau, i bin stap long kism dispela mani long Mista Kondra.

Mista Isau i tok Kiunga Volibal Asosieisen em wanpela asosieisen tasol bilong Westen Provins long rejista aninit long Papua Niugini Volibal Federesen.

Tim Kiunga aninit long Kiunga Volibal Asosieisen bai karim nem bilong Westen Provins taim ol i go pilai long Nesenel Volibal Sempionsip long Lae.

Ol memba bilong tim Kiunga em ol pilaia husat i save stap long Kiunga taun.

Mista Isau i tok Kiunga

Volibal Asosieisen i bin givim sampela top pilaia bilong ol long nesenel tim bilong Papua Niugini long yia 2013 long sinia divisen bilong ol man na meri wantaim.


Mista Kondra em siaman bilong Not Flai Join Distrik Plening na Baset Praioriti Komiti tu, na em i tok olsem siaman na memba, em i amamas long givim sapot long ol yangpela na ol spot ektiviti long distrik bilong em.

"Ol yangpela em ol lida bilong yumi long taim bihain, na olsem lida, mi amamas long givim mani long sapotim ol."

Mi amamas olsem Kiunga Volibal Asosieisen bai karim nem bilong Westen Provins long Nesenel Sempionsip long Lae," Mista Kondra i tok.



(L-R) Greg Isau, Dume Woo, Moddy Kaya na Mista Kondra.



THURSTON: Johnathan Thurston i stap wantaim bagarap yet, sapos ol dokta i tokim em long no ken pilai, em bai no inap pilai long 4 nesen tonamen.- AAP.



MARSHALL: Benji Marshall em wanpela top pilaia bilong Nu Silan, ol Kiwi bai nidim em sapos ol i laik winim 4 nesen tonamen.- AAP.



AUSTRALIA: Ben Hunt bilong Brisbane Broncos i bin kam pilai long Papua Niugini long las wiken. Stail pilai bilong em i mekim ol selekta bilong Australia i amamas tru long em. Dispela yangpela man bai gat sans long pilai wantaim Australia long 4 nesen salens sapos ol biknem habbek bilong Australia i gat bagarap yet. *Poto Nicky Bernard.*



SAMOA: Ragbi lig tim bilong Samoa bai salensim Ingran, Nu Silan na Australia long 4 nesen tonamen long dispela yia. Dispela piksa em long wol kap las yia taim ol i salensim ol PNG Kumul. -AAP.



TONGA: Ol ragbi pilaia bilong Tonga husat bai salensim ol Kumul long dispela wiken i kam pinis long PNG na redi long salens long Lae. *Poto Nicky Bernard.*

Oi spot poto long wiken...

Oi Poto
Nicky
Bernard.



1. SPOT MINISTA: Spot Minista, Justin Tkatchenko, i bin amamas tru long opim namba 10 Prait Minista 13 pilai namel long Papua Niugini na Australia long las wiken.

2. FARAH: Huka bilong Kangaroos, Robbie Farah, i painim gep long ran na abrusim difens bilong ol Kumul.

3 TUPOU: Oi pilaia bilong Kumul i bin putim bikpela was tru long bikpela winga bilong ol Kangaroos, Daniel Tupou. Oi Kumul i bin pasin rot bilong dispela man.

4 BAL I GO WE? Oi pilaia bilong Kangaroo na Kumul i takolim ol yet na ol i panim bal i go we.

5. TRUPELA KUMUL: Yangpela na nupela pilaia bilong ol Kumul, Rhys Martin, i bin amamas tru long karim nem bilong Papua Niugini na pilai. Rhys em hapkas Papua Niugini na Australia.

6. STAIL KIK: Hapbek bilong ol Kumul, Roger Laka, i mekim wanpela stail kik bilong em.

TOKSAVE: Salim ol spots dro bilong yu kam long Feks; 325 2579, e-mel; bveo@wantok.com.pg o kam lusim long Wantok Niuspepa opis long Able Building Complex long Central Waigani, NCD.



TUNA IN OIL

Moa oil na meat insait



PNG Vs Tonga long Lae

Ol Polinesia i kam long Melanesia... tupela wan solwara yet...

Isaac Liri i raitim

BIHAIN long ol PNG Kumul i lus long Australia long las wik long Kokopo, nau ol i redi long salensim ol wan solwara bilong ol long Tonga long dispela wiken (Sande) long Lae.

Dispela pilai em wampela pilai we Papua Niugini Ragbi Futbol Lig i kamapim long helpim long strongim ragbi lig long kantri, na tu, long Pasifik Rijon.

Bihain long Tonga i pilai long ragbi lig wol kap long las yia, ol sindaun namba 13 long wol renking na ol PNG Kumul i sindaun namba 8.

Tim bilong Tonga we i kam long salensim PNG i

gat planti pilaia husat i save pilai long NRL long Australia, tasol kosa bilong ol, Kristian Woolf, i tokim ol midia lain long PNG olsem em i tokim ol pilaia bilong em long no ken luk daun long PNG, long wanem, PNG em wampela top kantri long ragbi lig na planti pilaia i gat ekspiriens long pilai long Kwinslan kap.

Laspela taim bilong ol Tonga long kam pilai long PNG em long yia 2009 long Pasifik Kap we ol i lus long PNG.

Mista Woolf i tok ol i tren-ting strong na ol i redi long salensim ol mangi PNG na ol i gat bikpela tingting long winim ol Kumul long ples bilong ol.

Ol memba bilong tim Tonga long Jacksons Intenesenel ples balus. *Poto Nicky Bernard.*

BOROKO MOTORS

Port Moresby 325 5255 Lae 472 1144 Madang 422 2659 Mt Hagen 542 1933 Goroka 532 3552 Kimbe 983 5035 Kokopo 982 8193 Tabubil 649 9048
 Email: info@borokomotors.com.pg | Web: www.boroko-motors.com

